

No por subestima e menasa serio cu Venezuela ta representa pa e islanan ABC



Pagina 2

- **Wever-Croes: A pidi audiencia na Gobernador pa atende obstaculonan pa parlamento**

Pagina 4

- **IMF ta na Aruba den cuadro di Article IV Mission 2025**

Pagina 6

- **Merca ta propone un mision nobo di seguridad na Haiti**

Pagina 11

Urvin “Nuto” Wawoe sentencia na bida den prison pa a lidera No Limit Soldiers



Pagina 8



Pagina 10

Venezuela: Jet di regimen cu tabata haci vuelo frecuente na Cuba a crash

Temiendo otro guerra cu Israel, Iran ta cuminsa reconstrui sitio di misil



Pagina 14

Segun Comandante Liebregs

No por subestima e menasa serio cu Venezuela ta representa pa islanan ABC

Comandante nobo, Harold Liebregs di forsanan naval, a adverti cu Venezuela ta representa un menasa serio na e islanan ABC segun medionan di prensa internacional y local.

E comandante a declara abiertamente cu Venezuela por los tiro contra Aruba y cu Venezuela por tuma control di e islanan ABC facilmente si nan pone un tiki esfuerso. Esaki por zona como algo un poco dramático, y en realidad e ta, pa motibo cu mientras hopi den mundo di politica y media ta enfoca riba Rusia, e menasa den nos propio region Caribense ta hopi mas serio, unda e consecucionan ta directo pa nos isla y islanan ruman.

E estado actual di defensa den Caribe
Segun Liebregs, Marina Real ta capaz di defende e islanan, aunke tambe el a admiti inmediatamente cu den caso di un atake di escala grandi, e capacidad lo bira algo “prob-



lemático.” Den otro palabranan, el a expresa cu nos lo cay den problema.

Esaki ta trece dilanti e pregunta y preocupacion si realmente nos ta bon prepara pa loke ta trata defensa. Tin suficiente recurso, tropa y suministro pa realmente tin un bon resistencia den caso di un emergencia? Of nos tin un dependencia halto riba diplomacia?

Mientras cu politica ta enfoca riba Rusia, ta subestima e peligro cu Venezuela ta posee. Loke ta di nota, ta e hecho cu Hulanda y e Union Europeo

ta enfocando mas tanto riba Rusia, cu sancionnan, e guerra na Ucrania y geopolitica. Sinembargo, mientrastanto tin algo hopi mas serio cu ta binando cerca y esaki ta un problema cu por impacta nos territorio sin cu nos ripara na tempo.

Un pais manera Venezuela, unda tin un falta di estabilidad politico, ambicionnan militar creciente y retorica emocional contra e islanan ABC no ta algo pa ignora. Si Hulanda no responde di manera firme cu urgencia, pronto lo por bira laat.

Algun sugerencia cu a menciona ta cu mester fortalece e defensa riba e islanan ABC. Cu mas barco, mas patruyahe aereo y miho ekipo. Di un banda strategico, ta esencial pa Aruba, Bonerio y Corsou ta efectivamente protegi. Tambe ta sugeri pa tin un dialogo abierto cu Venezuela, mirando cu diplomacia ta keda un parti crucial. Sinembargo, tambe mester laga na cla cu lo contesta na un retorica agresivo. Negacion y subestimacion mester yega un fin.

Pa loke ta trata Hulanda, mester tin mas conscientisacion pa cu esaki. Tanto na ciudadanonan, media y politica mester acepta y ta consciente cu defensa no solamente ta aplica mita caminda for di Europa. E Reino tin responsabilidadnan y obligacionnan den exterior. Riba website di gobierno Hulandes, ta detaya e responsabilidadnan cu Hulanda tin pa cu e parti Caribense di Reino, y aki ta detaya cu e Reino Hulandes tin un responsabilidad cu ta acapara

e relacionnan den exterior, defensa y ley di nacionalidad Hulandes y den otro parti ta dicta cu e ministerionan Hulandes di Exterior y Defensa ta sirbi tur 4 pais dentro di e Reino. Cu esaki, Hulanda tin un responsabilidad directo cu e interesnan y seguridad di e parti Caribense di Reino.

Por ultimo, ta sugeri un aumento den inversion di forsanan arma y su aliadonan. No solamente na e puntonan unda usualmente ta presta atencion, sino tambe den kazernenan local, cooperacion cu servicionan di seguridad den Caribe y ehercicionan conhunto cu e aliadonan.

Mientras mas tempo ta pasa, mas ta mira cu e situacion na Venezuela ta empeorando y cu accionnan controversial recien cu Merca a tuma, e situacion ta tumando un tono hopi mas serio unda tin cu cuminsa considera posibilidadnan y menasanan cu mas urgencia.

Potret di Dagelijks Standaard

Minister Geoffrey Wever:

Tur luna ta publica prijsnan di Canasta Basico

Canasta Basico tin como meta regula e prijsnan di productonan di Canasta Basico cu consumidor ta paga. Minister di Finanzas Geoffrey Wever ta informa tur luna Departamento di Asuntonan Economico ta publica e lista di prijsnan maximo di 1330 producto den e Canasta Basico.

Tur demas producto cu no ta forma parti di canasta basico, companianan mes ta pone e prijs sin intervencion di gobierno.

E Canasta Basico ta consisti di e siguiente 19 categorianan di producto:

Aros, Baby food
Koffie
Te
Hariña di maishi
Lechi koffie
Lechi polvo
Azeta pa cushina
Frozen broccoli
Frozen spinach
Frozen mixed vegetables
Canned tuna fish
Canned sardines
Dried beans
Canned salmon

All purpose flour
Spaghetti
Oatmeal
UHT milk

Cada 19 categoria tin producto di diferente marca, peso, contenido y paketaamento. Por ehempel den e categoria di Aros tin 34 diferente marca di aros cu un total di 186 diferente producto, e categoria di Koffie ta consisti di 47 diferente marca di koffie cu un total di 196 producto. E categoria di Lechi Polvo ta consisti di 18 diferente marca di lechi di polvo cu un total di 76 producto. Gobierno ta regula e prijs di 19 categoria di producto di diferente marca, peso, contenido y paketaamento.

Regulacion di prijsnan di producto y servicio ofreci riba mercado ta regla den e “Prijsenverordening”. Articulo dos di e ley aki ta duna e minister di Asunto Economico e autoridad pa regula prijsnan di productonan y servicio cu ta wordo ofreci riba mercado cu e meta pa proteha interes publico.

Pa determina e prijsnan di tur productonan den e Canasta Basico, companianan tin cu entrega nan facturanan na Departamento di Asuntonan Economico. Basa riba e documentonan entrega, Departamento di Asuntonan Economico ta calcula e prijs maximo cu ta inclui e margen di ganashi pa e companianan na cual e productonan por wordo bendi.

E margen di ganashi por mayor – groothandelsmarge – ta 7 por ciento pa azeta pa cushina, 9 por ciento pa aros, baby food, hariña di maishi, te, koffie, lechi koffie, lechi polvo, canned tuna fish, canned sardines, dried beans, canned salmon, all purpose flour, spaghetti, oatmeal, UHT milk y 13 por ciento pa frozen broccoli, frozen spinach y frozen mixed vegetables.

E margen di ganashi por detaye – kleinhandelsmarge – ta 10 por ciento pa azeta pa cushina, 13 por ciento pa aros y hariña di maishi, 14 por ciento pa te, koffie, lechi koffie, lechi pol-



vo, canned tuna fish, canned sardines, dried beans, canned salmon, all purpose flour, spaghetti, oatmeal, UHT

milk y 15 por ciento pa frozen broccoli, frozen spinach y frozen mixed vegetables.

Cambio den prijsnan di productonan den e canasta basico ta e resultado di factornan externo manera cambio den prijs internacional di e productonan, cambio den gasto di transporte y cambio den wisselkoers. E margen di ganashi ta pa garantiza un prijs maximo cu consumidornan ta paga. Esaki no no ta un garantia cu importacion di e productonan den canasta basico ta un negoshi rendabel.

E prijzenverordening ta duna gobierno e autoridad pa determina e prijs maximo pa productonan di prome necesidad. Si facturanan entrega pa companianan ta muestra un subida, of bahada of ningun cambio den prijs internacional di e productonan, cambio den gasto di transporte y cambio den wisselkoers, calculacion y publicacion pa Departamento di Asuntonan Economico lo muestra esaki tambe segun minister Geoffrey Wever.

Parlamentario Otami Thomasia (AVP):

“Mi ta hopi contento cu den presupuesto 2026 ta crea espacio pa inversion cu ta guia nos hobennan”



Durante un conferencia di prensa recien, miembro di fraccion di AVP parlamentario Otami Thomasia, a trece dilanti e importancia di presupuesto 2026 y e direccion cu Gabinete AVP-FUTURO ta duna na inversion den salud mental y cuido preventivo den comunidad.

Segun e parlamentario, e documento financiero ya a ser entrega na Parlamento di Aruba pa revision, y a remarca cu un prioridad di Gabinete AVP-FUTURO ta pa sigui inverti den fundacion y programanan cu ta cuida e hendenan mas vulnerable den comunidad.

El a menciona, entre otro, fundacionnan pa maneho di adiccion, Imeldahof y Casa Cuna, Stichting Guia Mi, Voodijraad, y Stichting Re-classering cu lo ricibi sosten pa continua cu e trabounan esencial den cuido, proteccion y guia di hendenan den situacionnan dificil.

“Esakinan ta hungando un rol masha grandi den nos comunidad, y asina nos ta wak atrobe cu den presupuesto 2026 nos gobernacion AVP-FUTURO ta bay sigui inverti den comunidad,” el a remarca.

Un di e puntonan central cu parlamentario Thomasia a enfatisa ta cu gobernacion ta adopta un enfoque preventivo den cuestion di salud mental y a subraya cu e strategia lo enfoca riba no warda te ora un persona cay, sino preveni cu esey ta pasa.

El a splica cu un di e preo-

cupacionnan creciente ta e bienestar emocional di hobennan. El a indica cu hopi bialha ta pasa cu hobennan patras di porta ta echt deal cu nan emocionnan, ta sinti nan mes nan so. “Nos tin cu habri e portanan ey y zorg pa tur hende haya e sosten cu nan merece,” el a subraya.

Esaki por habri caminda pa aislamiento, amistad negativo y uso di droga. El a remarca cu ta hopi importante si famia y mayornan di cas tin mas tempo pa dialoga y orienta e hobennan, hopi di esey por esey por ser preveni.

Parlamentario Thomasia a señala cu e problema di salud mental den hubentud ta keda un desafio serio y riba caya ta mira cada bes mas hendenan hoben den situacionnan vulnerabel, ora cu nan apenas nan a cuminsa bida. “Esaki nos tin cu preveni,” el a adverti.

E parlamentario a menciona tambe cu Aruba ta enfrente dos aspecto di preocupacion grandi: embebecemento di poblacion, caminda tin mas hende grandi cu tin hoben, y vulnerabilidad creciente di hobennan. El a subraya cu e hecho cu hobennan ta vulnerable ta duna e indicacion cu mester cuida nan extra pasobra nan ta e futuro y nan tin cu carga pais Aruba den futuro.

“Si nos no proteha nan ora cu nan ta bezig ta cay den un situacion di salud mental, nan ta bay den droga, nos ta tumando pa un comunidad chikito un riesgo masha grandi mes. P’esey mi ta hopi contento cu den presupuesto



2026 ta crea e espacio pa inversionnan cu ta guia nos hobennan, cu ta inverti den nos hobennan, scol, programanan,” el a enfatisa.

Parlamentario Thomasia a splica cu den presupuesto 2026 tambe ta inclui e plan pa Ministerio di Salubridad Publico y Ministerio di Husticia traha mas cerca hunto, locual ta pone enfasis riba prevencion y accion integral.

Un ehempel cu e parlamentario a menciona cu el a participa na dje ta e programa Wega Riba Wiel, un evento organisa recientemente cu a uni organisacionnan manera CEDE Aruba, KPA, IBiSA y Bario Unico. E actividadnan deportivo y cultural tabata enfoca den barionan manera Village, Bushiri, Dakota y Esso Heights, caminda hobennan di tur bario por participa.

Thomasia a indica cu e programanan aki no ta solamente ta trata di deporte, pero ta trata tambe di crea conexion positivo entre hobennan, polis y comunidad. Ta busca crea un ambiente unda hobennan ta siña cu polis ta un

aliado y cu nan por tin confianza pa papia abiertamente di problema den cas of scol cu e polis di bario.

Un di e momentonan mas emocional pa e parlamentario tabata ora el a observa con polisnan conoce hopi di e hobennan personalmente, hasta cu nan nomber. Esaki, el a indica, no ta un coincidencia, sino producto di tres aña di presencia constante den barionan.

E relacionnan aki a resulta den respet mutuo. Hobennan grandi ta mira polis como un mentor, y polisnan ta inspira un sentimento di seguridad. “Esaki ta un señal cu nos ta bayendo den un bon caminda, cu e hobennan ta sinti nan mes mas sigur y por ta nos por baha e cantidad di persona cu ta sinti nan mes nan so, y esey ta algo sumamente bunita y mi ta kere e ta e caminda nos tin cu bay. Nos no por bisa nos trahando nos so pa un meta, pero tin fundacionnan cu tin mesun metanan y nan por traha hunto pa nos logra algo,” el a remarca.

El a agrega cu alabes nan ta garantisa cu nan ta tumando

tur hende na cuenta ora ta trata di realisa programanan y a señala cu comunidad mester uni pa cuida e adultonan grandi y e muchanan pasobra nan ta e gruponan mas vulnerable. Na mesun momento el a subraya cu den esaki tambe mester cuida e hendenan cu ta lanta tur dia y ta bay trabou y ta carga pais Aruba.

Un mensahe cla cu parlamentario Thomasia a laga durante e conferencia di prensa ta cu si un persona ta den un situacion dificil, ta existi institucionnan cu ta cla pa yuda. El a enfatisa cu fundacionnan ta disponible pa guia y brinda sosten, y ademas a señala gobierno ta compromete pa sigui inverti den nan capacidad.

“E sala di Parlamento ta semper habri pa cualkier fundacion cu kier sinta y papia y bisa nan preocupacionnan, nos ta semper libremente habri pa esaki,” el a indica.

E enfoque di AVP-FUTURO, segun Thomasia, ta muestra un compromiso firme pa cuida e grupo mas vulnerable, proteha e hobennan, y lucha pa e bon comun.

Parlamentario Evelyn Wever-Croes:

A pidi audiencia na Gobernador pa atende obstaculonnan pa parlamento eherce su trabao

Ayera mainta lider di fraccion di MEP parlamentario Evelyn Wever-Croes a reuni cu Su Excelencia Gobernador di Aruba, Alfonso Boekhoudt pa trece dilanti e fraccion su preocupacionnan grandi relaciona cu e topico di Ley di Reino HOFA.

Parlamentario Wever-Croes a splica na Bon Dia Aruba cu su fraccion a pidi un audiencia urgente na Gobernador di Aruba y a referi na e carta di dia 29 di augustus cu nan a manda pa presidente di Parlamento, Marlon Sneek, tambe e carta cu e mesun fecha cu a manda pa Gobernador di Aruba, cual ta e dia cu e reunion pa trata e Ley di Reino a ser yama y despues geschors ora cu parlamento a ser informa cu e Ley di Reino HOFA a ser aproba caba door di Consejo di Minister di Reino. E parlamentario a indica cu nan referi tambe un carta di dia 8 di september cu ya a bay dos rappel caba pa presidente di Parlamento.

“Den e cartanan aki nos a expresa nos preocupacionnan serio riba e hecho cu no tin informacion ta ser duna na parlamentari- onan y e involucramento di parlamento den e proceso di e Rijkswet y esaki ta stroba, e ta mina e papel di control cu parlamento tin,” Wever-Croes a enfatisa.

El a splica cu nan a pidi e audiencia urgente pasobra presidente di parlamento a priminti cu den dos siman ta yama reunion, despues cu el a ser geschors dia 29 di augustus, pero esaki no a sucede ainda ya caba ta un siman y mey mas leu.

Parlamentario Wever-Croes a remarca cu nan a pidi eigenlijk pa e reunion tuma luga prome cu e reunion di IPKO na Hulanda pa asina na Aruba, prome cu IPKO, tin un posicion cla riba e tema di Rijkswet, pero te ainda no a yama e reunion aki.

“Nos a pidi Gobernador di Aruba un audiencia pa trata e problemanan insti-



tucional y procedural cu ta stroba parlamento di haci su trabou segun Constitucion, den caso di Rijkswet. Tambe pa mas tanto cu ta posibel dentro di locual e por, pa stimula cu gobierno ta bay actua mas transparente y duna parlamento informacion trempa y bin presenta na e reunion pa debati mas lihe cu ta posibel y purba pa parlamento tin, te unda cu e por, un posicion prome cu IPKO,” e lider di MEP a enfatisa.

E situacion Pa basta tempo caba un tormenta politico ta desaroyando na Aruba rond di e tema di Ley di Reino HOFA. Tanto fraccionnan di MEP y PPA, a manda cartanan urgente na Gobernador di Aruba y na Presidente di Parlamento pa expresa nan preocupacion serio tocante falta di transparencia, exclusion di Parlamento y posibel violacion di acuerdo interparlamentario di Reino.

Manera ta conoci e situacion a sali na cla dia 29 di augustus 2025, ora cu parlamento a ser informa cu Gabinete AVP-FUTURO ya a acorda e concepto di e Ley di Reino HOFA y cu e mesun documento a ser trata den Consejo di Minister di Reino na Hulanda. Tur esaki a tuma luga sin cu Parlamento di Aruba a ser informa, sin un participacion, y sin un oportunidad pa haci un debate substancial.

Den e carta dirigi na Gobernador di Aruba, MEP y PPA a expresa: “E ta un atake se-

rio riba e posicion di Parlamento, manera e organo mas halto di e pais y portador di e derecho presupuestario. Parlamento ta ser poni afo di un proceso cu ta determina e futuro financiero y constitucional di Aruba.”

E tension a subi mas na momento cu e Presidente di Parlamento, contrario na peticionnan di e dos fraccion, a suspende e reunion publico cu tabata destina pa trata e topico. Esaki a causa indignacion den oposicion, cu ta mira esaki manera un restriccion pa controla gobierno

Segun e fraccionnan, e no ta solamente un falta administrativo, sino un falta di consideracion grandi pa rol constitucional di Parlamento. “E conducta aki ta alimenta e deficit democratico existente den Reino y ta daña confiansa den gobierno,” segun e carta dirigi na Presidente di Parlamento.

Dia 8 di september 2025, fraccion di MEP a insisti den un otro carta na Presidente di Parlamento pa prome cu delegacion di Aruba biaha pa Hulanda pa e Interparlamentaire Koninkrijks Overleg (IPKO) dia 21 di september, Parlamento adopta un posicion formal y publico. Segun e fraccion, solamente asina e delegacion lo por actua cu claridad y legitimidad den number di henter Parlamento y, den ultimo instancia, den number di pueblo di Aruba. Otro carta fecha 19 di september dirigi na SE Gober-

nador di Aruba, a pidi pa un audiencia urgente audiencia. Den e peticion aki, MEP a indica cu e urgencia a crece mas ora cu e dos siman dentro di cual Presidente di Parlamento a priminti pa reanuda e reunion a pasa sin cu reunion a sigui. “Ta di gran importancia cu Parlamento, prome cu inicio di IPKO, adopta un posicion cla y bon fundamenta riba e proceso di Proyecto di Ley di Reino,” segun fraccion di MEP.

Un punto cu e fraccion a enfatisa den tur e cartanan ta e acuerdo di IPKO 2022, den cual a keda acorda cu consenso, transparencia y involucramento parlamentario mester ta e fundeshi pa cualkier proceso cu tin consecuencia pa autonomia di e paisnan y pa Leynan di Reino. Pa e fraccionnan, e forma cu gobierno di Aruba a maneha e asunto Ley di Reino HOFA ta un violacion directo di e acuerdonan aki.

E cartanan di fraccion MEP ta delinea varios punto cu fraccionnan ta insisti riba dje. Strobamento institucional: Parlamento ta ser stroba den ehecurion di su rol Constitucional den un proseso di Ley di Reino. Falta di transparencia: Gobierno no ta suministra informacion na tempo, locual ta limita e posibilidad di Parlamento pa evalua y debati. Defensa di autonomia: Pa

IPKO por tuma luga cu claridad, Parlamento mester establece un posicion informa. Respet pa acuerdonan: Gobierno mester adheri na e acuerdo di 2022 cu ta stipula participacion parlamentario for di comienso.

E enfrentacion den Parlamento ta refleha un discurso mas amplio den Reino Hulandes tocante e balans di poder entre gobierno y parlamento. Mientras cu Gobierno di Aruba, segun oposicion, a prefera un estilo di maneho sin consultacion, fraccionnan ta adverti cu esaki ta no solamente mina e democracia local, sino cu ta alimenta e malestar mas grandi den relacion cu Hulanda.

Politiconan local ta nota cu esaki por tin repercusion den IPKO mes, den cual Aruba lo mester defende su autonomia y aclaria su posicion financiero dilanti di e otro paisnan di Reino. Sin un posicion cla di Parlamento, delegacion di Aruba por muestra debiel.

Presion riba gobierno y presidente di Parlamento ta subi. E fraccionnan ta adverti cu si no tuma accion, eskai por daña legitimidad di Aruba den discusion internacional y por haci cu pueblo ta sinti cu su voz no ta ser representa.



STATEN VAN ARUBA
Fractie Movimiento Electoral di Pueblo

Zijne Excellentie de Gouverneur van Aruba
Plaza Henny Eman 3
Oranjestad, Aruba

Urgent

Aruba, 19 september 2025

Betreeft: Verzoek om spoedauditie inzake Rijkswet HOFA en parlementaire standpuntbepaling

Excellentie,

Namens de fractie van de Movimiento Electoral di Pueblo (MEP) verzoek ik Uwe Excellentie beleefd doch dringend om een spoedauditie naar aanleiding van de recente ontwikkelingen rond het concept Rijkswet HOFA en de positie van de Staten van Aruba in dit traject.

Wij verwijzen hierbij naar onze eerder toegezonden brieven d.d. 29 augustus 2025, respectievelijk aan de Voorzitter van de Staten en aan Uwe Excellentie, alsmede de brief d.d. 8 september 2025 aan de Voorzitter van de Staten, waarin wij onze ernstige zorgen hebben geuit over het gebrek aan tijdige informatievoorziening en betrokkenheid van de Staten in het rijkswetproces, en de daarmee gepaard gaande aantasting van de controlerende en budgetrechtelijke rol van het parlement.

De urgentie is thans verder toegenomen nu de door de Voorzitter der Staten toegezegde termijn van twee weken om de geschorste vergadering te hervatten is verstreken, zonder dat de vergadering is voortgezet.

Volgende week vangt echter het Interparlementair Koninkrijksoverleg (IPKO) aan. Het is van groot belang dat de Staten, vóór aanvang van het IPKO, een duidelijke en goed onderbouwde standpuntbepaling innemen over het rijkswettraject en de te volgen koers.

Gelet op het voorgaande verzoeken wij Uwe Excellentie om op de kortst mogelijke termijn in auditie te ontvangen, op een door uw kabinet nader te bepalen tijdstip. Doel van deze auditie is:

- de institutionele en procedurele knelpunten te bespreken die de Staten belemmeren in de uitoefening van hun grondwettelijke rol in dit rijkswettraject;
- te verzoeken dat, binnen de reikwijdte van uw ambt, wordt bevorderd dat de regering zorgdraagt voor transparantie, tijdige informatievoorziening en spoedige hervatting van het parlementaire debat;

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Supervision ta impedi... Desaroyo economico...?

Den e debate continuo tocante e ley di supervision financiero di Reino ta circula algun argumento, cu mester di bon atencion. Uno di nan, e tesis di perdida di autonomia nos a descarta caba; el a somenta na 2014 caba. Esun cu ta keda awor ta e pensamiento cu supervision di Reino ta malo pa desaroyo socio-economico, y den esaki ta referi na e ehemplo di e dos islanan ruman, Corsou y Sint Maarten, cu desde 2010 ta bao supervision di Reino.

Por lo tanto ta bon pa analiza prestacion di nan economia desde e momento ey. Di otro banda nos tin e desaroyo economico di Aruba, cu a muestra mas positivo, a pesar di algun caida mescos e otro islanan, entre otro den e crisis di Covid-19 na 2020. Aruba a conoce gobernacion sin supervision financiero den e periodo 2010 – 2015, pa despues cay bao di mesun supervision di e mesun Reino, camufla den un ley local, pero cu exactamente e mesun poder, autoridad y facultad di gobierno di Reino, cu den e caso di e otro islanan a cuminsa 5 aña mas tempran. Aki ta surgi algun pregunta importante, por ehemplo: cuanto influencia supervision di finanzas publico tin riba desaroyo economico en general, si e proceso ey ta depende primeramente y mayoritariamente di inversion priva? E supervision ta trata principalmente uso di presupuesto gubernamental, pero ki efecto esey tin den economia den su totalidad?

Si mester distingui entre prestacion economico cu o sin supervision di Reino, anto esaki ta significa cu cualkier comparacion entre e desaroyo economico na Aruba y esun na e dos otro islanan, mester tene na cuenta cu den ultimo 10 aña tur tres isla tabata bao di e mesun supervision di Reino. Esaki ta implica cu no ta posible pa adhudica influencia, supuestamente negativo, di e supervision di Reino comparando esaki cu e desaroyo na otro isla cu tambe tabata bao di e mesun supervision. Esey ta laga nos cu solamente e periodo 2010 – 2014 como e periodo den cual Aruba no tabatin supervision di Reino y e otronan si. Kico a pasa den e periodo ey? Corsou a cuminsa cu un crecimiento economico bon na 2011 y 2012: 3% y 2.8% di GDP, respectivamente, pa despues mengua te na 2015 cu un crecimiento casi nulo. Esaki tabatin su motibonan. Economia tabata sufri bao di caida di industria petrolero y di e stancamento den sector di servicio financiero, banda di un sector turistico cu no tabata comparable cu esun di Aruba. Despues di e crisis di Covid por a mira un mehoracion considerable den turismo y servicio financiero; e sector petrolero sin embargo a bay mesun rumbo cu esun na Aruba. No lo trata e caso di Sint Maarten extensamente aki, pa motibo di espacio y tambe pasobra e isla a conoce un trayectoria marca pa incidente singular,

manera desastre natural, por ehemplo horcan Irma na 2017, cu a laga e isla completamente devasta. Despues, mescos cu tur territorio, mester a atende e problema di e pandemia mundial na 2020. Tabatin problema entre gobierno di e isla y gobierno Hulandes, especificamente tocante e uso di fondo di emergencia disponible. Sin embargo, no mester confundi esaki cu e control riba presupuesto gubernamental, cu ta e meta principal di e supervision na tur isla. E organo supervisor (Cft) no ta(bata) encarga cu dirigi e recuperacion di e desastre natural.

Mientras tanto Aruba tabatin su propio desaroyo positivo y negativo. E refineria a cera definitivamente na 2012, causando un aña di caida economico pero cu un recuperacion rapido na 2013 caba. Den e añanan despues, te na 2020 Aruba a conoce un crecimiento continuo, basa practicamente riba turismo so, unda imposicion di supervision desde 2014, y cu supervision di Reino den un ley desde 2015, pa mal maneho financiero gubernamental, nunca a conduci na comentario cu esaki tabata impedi crecimiento economico. Al contrario, na varios ocasion e colegio di supervision CAft tabata critica gobernacion pa e falta di cumpli siquiera cu e programa di inversion publico pa cual parlamento a duna su aprobacion. Pues di e actuacion gubernamental ey tabata sali menos impulso pa crecimiento economico cu tabata posible; tur desaroyo tabata bin di iniciativa priva. Nos no tin e impresion cu na Corsou accion gubernamental, o falta di esaki, a conduci na un influencia decisivo den desaroyo economico, o cu e supervision riba presupuesto tabata eherce un influencia negativo riba desaroyo economico. Cifra oficial di CBS Corsou ta muestra cu e recuperacion despues di Covid tabata bon, aunke no asina fuerte manera na Aruba. Principalmente aumento considerable di sector turistico y di servicio financiero a percura pa crecimiento di GDP nominal na 2021 di 8.3%, sigui pa 12.2% na 2022, 6.7% na 2023 y 8.5% na 2024. Aruba a recupera mas fuerte den e mesun periodo, pero tabata bin di un abismo hopi mas profundo; na 2020 Corsou su GDP a cay cu 16.3% y na Aruba cu 26.6% den e mesun aña.

Finalmente, e interrogante clave den e asunto aki: Si e tesis ta cu supervision di Reino tabatin influencia negativo riba desaroyo economico di Corsou (y Sint Maarten), kico tabata e papel di e mesun regimen di supervision na Aruba, desde 2015? El a yuda nos, stroba nos o no tabata un factor asina importante pa nos economia? E impresion ta cu kier usa argumento no relevante, ya cu nos no ta mira cu e mesun supervision di Reino, cu nos tin 10 aña caba, cerca nos no a stroba y na e otro islanan a causa daño. Mester por trece mihor argumento cu esun aki...

Minister Geoffrey Wever:

IMF ta na Aruba den cuadro di Article IV Mission 2025

Diamars mainta, minister di Finansa, Asunto Economico y Sector Primario Geoffrey Wever a reuni cu un delegacion di International Monetary Fund ("IMF") den cuadro di e mision Article IV Consultation 2025.



Durante e mision di 23 di september pa 6 di october lo enfoca riba desaroyo actual y den futuro riba tereno financiero, economico y monetario. E delegacion di IMF ta encabesa pa sr. Marco Arena, sr. Justin Thyme, sra. Olga Bepalova y sra. Toyosi Ojo.

Despues di e "pre-visit" di IMF riba prome di october di aña pasa como preparacion pa e mision aki, minister Geoffrey Wever y IMF a elabora riba Aruba su vision y maneho financiero y economico.

Crecemento economico tabata un topico importante mirando desaroyonan geopolitico, guerra y e posibel impacto di e guerra di mercado riba crecimiento di Aruba su economia. Cu un relacion directo entre economia y finanzas publico, minister Geoffrey Wever a elabora riba ehecurion di e presupuesto 2025 cu ta muestra un crecimiento den entradanan di gobierno compara cu 2024. Crecemento di entre otro entradanan di BBO y invoerrechten ta in-

dicadornan di mas actividad economico. Dependencia di un solo industria ta keda un riesgo pa desaroyo di Aruba y pa entradanan di gobierno. Como minister di asunto economico, minister Geoffrey Wever a duna IMF un actualisacion riba maneho economico di Gabinete AVP-FUTURO pa crea mas sectornan economico manera agricultura comercial, industria creativo y sector di tecnologia financiero. Via presupuesto

di Aruba y den cooperacion cu Hulanda via Landspakket diferente accionnan concreto ta den ehecurion pa stimula e diversificacion di Aruba su economia.

Riba tereno di finanzas publico a elabora riba cu despues di 5 luna di huramentacion, Gabinete AVP-FUTURO a entrega e Presupuesto 2026 na tempo segun ley ta stimula, ta cumpli cu e normanan normanan di presupuesto manera anca den ley y ta duna bek na comunidad. Den e presupuesto 2026 Gabinete AVP-FUTURO lo aloca entre otro structuralmente 50 miyon florin na inversion y 50 miyon florin na mehoracion di poder di compra como parti di implementacion di e Fondo di Inversion y Koopkrachtplan. Den e presupuesto 2026 tambe tin

e extra suma aloca pa y pago di extra 250 florin na Reparatieoeslag cu desde 1 di mei 2025 a wordo duna tur luna na tur pensionadonan. Den e entradanan proyecta pa 2026, e bahada di e accijnzen riba gasoline y diesel pa tur usuarianan cu 10 cent tambe desde 1 di mei ta keda vigente y tur usuarianan lo sigui haya esaki ora compra gasolin y diesel.

"IMF ta un organizacion internacional cu ta evalua e desaroyo di nos pais continuamente y ta importante pa duna informacion concreto riba ehecurion di maneho riba tereno economico, financiero y monetario sostenibel, pa fortifica economia y desaroyo di Aruba cu pasonan concreto", segun minister di Finanzas, Asunto Economico y Sector Primario.

Minister Gerlien Croes:

PEL ta duna inicio na Siman di evaluacion di sector

Hunto cu stakeholders y fortaleciendo e futuro di educacion y economia na Aruba, PEL a duna inicio na Siman di evaluacion di sector. Un evento importante organisa pa Plataforma Educacion y Labor (PEL), cu e meta pa valida y fortalece programanan di enseñansa profesional den e sectornan clave di Aruba.



E proceso aki ta fundamental pa sigura cu e programanan ta keda relevante pa e demandanan di mercado laboral y prepara nos studiantenan pa futuro, den un mundo di trabou cu ta cambia rapidamente.

Como Minister di Educacion, sra. mr. Gerlien Croes, tabata presente pa habri oficialmente e evento aki, enfatisando riba e compromiso di Gobierno di Aruba pa traha man den man cu institucionnan educativo, sector

laboral y comunidad. Den su discurso di apertura, Minister Gerlien Croes a destaca cu e conexion fuerte entre educacion, pasantianan y economia ta esencial pa crea un base solido pa desaroyo di nos hubentud y pa construi un pais cu oportunidad pa tur ciudadano.

"E siman di evaluacion di sector ta un paso crucial pa unifica esfuerso y pa traha riba un sistema educativo moderno y visionario. Nos mester prepara nos studiantenan cu e habilidadnan pa logra exito den un mundo laboral cu ta evoluciona constantemente", Minister Gerlien Croes a expresa.



Durante e siman, cu a tuma lugar na Auditorium di Colegio EPI, tabatatin sesionnan di dialogo y evaluacion unda a reuni cu representantenan di educacion, empresanan, gobierno y otro stakeholdernan importante.

E consulta a habri cu gran entusiasmo y colaboracion, marcando un paso mas den e caminda pa un sistema educativo fuerte y sostenibel cu ta responde na e necesidadnan di nos sociedad y economia.

Sesion virtual special pa studiantenan na Hulanda y Aruba

Diamars 30 september, Minister Plenipotenciario na Merca, Sra. Zulema Erasmus lo tene un biaha mas un sesion virtual pa tur estudiante di Aruba cu ta atendiendo universidad sea na Aruba, Hulanda of otro parti.



E sesion virtual aki ta pa comparti informacion y pa convence studiantenan, cu ya caba ta haciendo un estudio universitario sea na Aruba of na Hulanda, cu tin oportunidad na Merca pa core stage y haci research. E ta posibel pasobra tin fondo disponible via

di e fundacion yama, Netherlands-America Foundation (NAF).

Un evento cu lo elabora riba dje ta e DC Summer Internship Program cu ta tuma lugar anualmente di Mei pa Juli pa un periodo di dos luna na Washington DC. E Summer Internship Program na Washington DC ta un programa unda studiantenan di nacionalidad Hulandes, cu ta atende cualkier universidad pafor di Merca, por haci uzo di dje como un programa extra pa mehora su networking skills, haya mas experiencia via stage pa su CV.

Tambe por haci extra vakken na banda na un universidad

renombra, participa na diferente actividadnan pa conoce Washington DC mihor, y conoce diferente persona di influencia na Washington DC. Lo haci e programa cu otro studiantenan na Merca y otro parti di mundo loke ta yuda e futuro hoben profesional cu e skillset pa un carera exitoso. NAF ta ofrece scholarship pa paga e gasto di participacion na e programa aki.

Na e sesion lo participa Minister Plenipotenciario na Merca cu lo habri e sesion, Maggie Maloney di NAF cu

lo presenta tur e oportunidadnan cu e fundacion ta ofrece y Evanee Giel, un estudiante Arubano cu recientemente a forma parti di e DC Summer Internship Program.

E sesion virtual cu informacion riba tur posibilidad cu Netherlands-America Foundation ta ofrece lo tuma lugar diamars 30 september pa 10.00 am (ora di Aruba) via di un zoom. Pa por participa, ta pidi pa registra na <https://forms.gle/VSDgyvveyRWu-G7YL9>.

**THE SAN NICOLAS
POP-UP
MARKET**

DIASABRA
27 DI SEPTEMBER 2025
ORARIO: 9AM - 3PM

Handmade Goods – Artisan - Foods – Live Music - Kids Corner

Plaza Lolita
dilanti Postkantoor San Nicolas

Lider di Dinamarca ta pidi dispensa na mucha y muhe Indigena pa scandal di anticonceptivo

(AP) - Cu 13 aña di edad, dokternan Danes a pone un dispositivo anticonceptivo den Katrine Petersen sin su consentimiento.

El a keda na estado y despues cu dokternan na e pueblo Maniitsoq di Groenlandia a termina su embarazo, nan a pone un anticonceptivo intrauterino, comunmente conoci como un UID of coil.

Awo cu 52 aña y bibando na Dinamarca, Peterson a recorda e momento unda a bis'e cu a pone e dispositivo prome cu el a sali for di e hospital. "A causa di mi edad, mi no tabata sa kico pa haci," el a bisa cu lagrima. "Mi a keda cu esey aden y nunca mi a papia di dje."

Petersem a bisa cu su trauma a caba den "rabia, depresion



y demasiado pa bebe," mientras e tabata purba sconde e recuerdonan di su experianan y no tabata kier papia di esey cu dokternan.

Mas despues den bida, despues cu el a casa, e no por a haya yiu.

Na un ceremonia na Groenlandia su capital Nuuk di-

aranson, Prome Minister Danes Mette Frederiksen, a pidi dispensa na e mucha y hende muhe manera Petersen na ken a pone e anticonceptivonan aki contra nan boluntad den caso cu ta data de 1960.

"Awe, tin solamente 1 cos pa bisa: Sorry," Frederiksen a bisa den Danes, despues



cu su colega di Groenlandia Jans-Frederik Nielsen a duna un speech den e idioma di Groenlandia. "Sorry cu a haci asina un daño na boso pasobra boso tabata di Groenlandia. Sorry pa loke a kita for di boso y e dolor cu esaki a causa."

"Varios di boso tin varios aña ta lucha pa husticia y pa nos

tende, pa nos tuma responsabilidad y nos ta haciendo esey aworaki: Dinamarca y Groenlandia hunto," Frederiksen a bisa, lamentando un "capitulo den nos historia comparti cu nunca mester a ser skirbi."

"Di parti di Dinamarca, Sorry," el a bisa na un aplauso.

Malesa transmiti via relacion sexual ta disminui cu excepcion di syphilis den baby recién naci

(AP) - Tasa di malesa transmiti via relacion sexual pa adultonan Mericano a disminui aña pasa, sin embargo syphilis den babynan recién naci ta sigui aumenta, segun data nobo di gobierno cu a publica diaranson.

Centers for Disease Control and Prevention su data provisional pa 2024 a demostra cu pa e tercer aña consecutivo tin menos caso di gonorrhea, y e di dos aña consecutivo e casonan den adulto di clamidia y e forma mas infeccioso di syphilis a disminui.

Sin embargo e casonan congenital di syphilis, den cual e mamanan infecta ta pasa e malesa nan nan baby, no ta mirando e mesun mehoracion. E tipo di infeccionnan aki den baby por causa morto of problemanan pa resto di nan bida manera problema di odio, ceguedad of wesonan cu mal forma.

E cantidad y tasa di baby cu a nace cu e malesa aki ta den aumento desde 2012, ora cu tabata reporta 300 y aña pasa esaki a aumenta te na 4.000. E aumento mira den 2024 no tabata mesun drastico cu e otro añanan - e aumento tabata menos di 2% compara cu 2023. Sin embargo exper-tonan di salud ta bisa cu no mester mira caso y cu cualkier crecimiento ta preocupante.

"E aumento continuo den syphilis den nacemento ta un indicacion preocupante cu nos no ta haci suficiente pa proteha e muhenan na estado y recién nacidonan," Elizabeth Finley, director ehecutivo interino di National Coalition of STD Directors, a bisa den un declaracion.

Alrededor di 1.5 milyon caso di chlamydia, 543,000 caso di gonorrhea y mas di 190,000 di syphilis tabata diagnostica y reporta aña pasa. Cada un

mas abao cu e aña anterior, y e mas di 2.2 milyon caso total ta representa un disminucion di 9% for di 2023.

Disminucion general den malesanan transmiti via relacion sexual den añanan recién tin hopi di haber cu un disminucion general di hobennan cu partner nobo, segun Dr. Jeffrey Klausner, un investigador di malesanan infeccioso na University of Southern California.

Sin embargo e disminucion den caso di syphilis den adultonan ta generalmente atribui na e uso creciente di e antibiotica dxycline como e 'morning-after pill', especificamente pa e hende homber gay, bisexual y e muhenan transgenero cu recientemente a ricibi un diagnosis di STD. Casonan di syphilis primario y secundario, e malesa su etapanan mas infeccioso, a cay cu 22% aña pasa, segun CDC ta informa.

E data nobo ta sugeri cu e mehoracion den algun grupo te ainda no a ser mira den consultorio di pediateranan y den departamento pediatrico. Tin varios factor posible pa

esaki, y un por ta cu solamente 80% di muhenan na estado ta ricibi screening pa syphilis, segun un estudio reciente di CDC.

FOR SALE

DICK'S MACHINE SHOP

MILLING MACHINES-GREAT FOR SCHOFFING HEADS

LATHE-FOR DRUMS/SHAFTS-BEARINGS

GRINDERS-ALL KINDS

HYDRAULIC HOSE MACHINE-LOADED WITH EXTRAS

**MAKE YOUR OWN HOSES
TOO MUCH TO LIST**

**CALL FOR INFO
DICK PLANTE**

267F POS CHIQUITO, ARUBA

593 - 7090

A haya curpa di un muhe cerca di Mega Pier na Corsou

(CuraçaoChronicle) – A descubri e curpa di un muhe ta drif den awa cerca di Mega Pier diamars mainta. Polis a ricibi un yamada tocante e incidente pa aproximadamente 6:55am.

Segun autoridadnan, e curpa ya tabata den estado di descomposicion na momento cu a descubri. A yama bombero na e escena y a recupera e restonan for di awa.

Pa 8or di mainta, dokter forensico a confirma formal-

mente e morto di e muhe.

Pa orden di Ministerio Publico, a tuma e curpa den beslag pa mas investigacion. Identidad di e muhe ainda no a keda revela, y e causa di morto ta bao investigacion.



Implementacion di tratado clave di derecho humano den parti Caribense di Reino ta enfrenta retraso

(CuraçaoChronicle) – Introduccion di Convencion di Istanbul pa preveni y combati violencia contra muhe y violencia domestico, hunto cu e Convencion di Den Haag tocante secuestro di mucha, ta keda un prioridad pa e parti Caribense di Reino Hulandes. Sinembargo, segun presupuesto di Relacionnan di Reino, ambos tratado ainda ta leu di keda completamente implementa.

E retraso ta parce di ta vincula na e hecho cu Aruba, Corsou y Sint Maarten mester completa varios stap preparatorio prome. Como resultado, gobierno Hulandes a pospone e aplicacion di e tratadonan aki – y otro tratado di derecho Humano – na Hulanda Caribense (Bonaire, Sint Eustatius y Saba) tambe.



Siete tratado riba mesa. Cada aña, gobierno Hulandes ta reporta na Parlamento tocante e status di implementacion di tratado di derecho humano den parti Caribense di Reino. Un comision conhunto, consistiendo di representantenan di e cuatro pais, ta maneha un lista di siete tratado wardando implementacion na un of mas teritorio Caribense.

Dos tratado a ricibi prioridad:

e Convencion di Istanbul y e Convencion di Secuestro di Mucha di Den Haag.

Ta spera cu ambos lo tin un impacto significativo riba e proteccion legal di muhenan vulnerable y mucha na Aruba, Corsou y Sint Maarten, y ya a keda designa como urgente pa gobiernonan local.

Loke ainda mester haci prome cu ratificacion ta varia pa cada pais. Pasobra cada teritorio ta

enfrenta retonan legal y administrativo diferente, e proceso di implementacion ta rekeri un maneho personalisa. E acuerdo ta cu cada pais prome ta bay delinea e medidanan necesario den un plan di implementacion. Unda ta necesario, Hulanda ta bay duna sosten prome cu aplica e tratadonan formalmente.

E Convencion di Istanbul en particular ta presenta dificultad pa motibo di su alcance amplio y rekisitonan complejo pa implementacion, loke ta resulta den carganan pisa di trabao pa e gobiernonan involucra. Pa sostene e paisnan Caribense, minister Hulandes di Asunto Exterior, Ministerio di Interior y Asunto di Reino (BZK), y Representacion Permanente di Reino na Strasbourg a organisa un conferencia na december 2024.

Durante e reunion aki, e pais- y cuerponan publico Caribense a intercambia experiencia y best practices cu estadonan miembro di Consejo di Europa enfrentando retonan similar pa motibo di nan tamaño of geografia. E delegacion tambe a bishita e secretariat di Consejo di Europa y cuerponan supervisor, incluyendo Comité Lanzarote, pa reforsa intercambio di conocimiento y mehora preparacion pa implementacion di tratado.

A pesar cu varios tratado di derechonan humano ya a drenta na vigor pa partinan di parti Caribense di Reino den añanan recién, ningun a keda implementa aña pasa, principalmente pa motibo di e esfuerzonan intensivo rekeri pa e Convencion di Istanbul.

Urvin “Nuto” Wawoe sentencia na bida den prison pa a lidera No Limit Soldiers

(CuraçaoChronicle) – Corte na Corsou a sentencia Urvin Wawoe, di 44 aña di edad, miho conoci como “Nuto,” pa bida den prison pa su rol como lider di e organizacion criminal No Limit Soldiers (NLS). E veredicto, duna dialuna, ta marca un di e sentencianan mas pisa den historia hudicial recién na Corsou.

E huicio, cu a cuminsa dia 23 di juni y a conclui dia 3 di juli, a tuma lugar den un sala di corte cu seguridad special na kazerne di Suffisant. Wawoe tabata representa pa un team di tres abogado di defensa, incluyendo Alicia Blonk, mientras fiscalia tabata representa pa tres fiscal anonimo di Ministerio Publico.

Un condena cu peso histori-



co. A pesar cu a declara Wawoe inocente den e tiramento notorio na aeropuerto Hato na 2011 pa falta di evidencia, e corte a haya prueba abru-

mante vinculando e na varios asesinato, trafico di droga a gran escala, y actividadnan di crimen organisa. Un elemento crucial den e caso tabata comunicacion intercepta

via e servicio di mensahe cifra, Sky ECC, cual fiscalnan a argumenta ta duna un bista cla den su rol como esun cu ta tuma decision dentro di NLS.

Ministerio Publico a pidi bida den prison, alegando cu Wawoe tabata responsable pa mas cu dies asesinato, traficacion di 340 kilo di cocaina, traficacion ilegal di arma, y labamento di placa. Mientras cu e corte no a adopta cada un acusacion, a duna veredicto cu e crimennan proba contra dje ta hustifica completamente e sentencia maximo.

Liderazgo criminal for di prison. E corte tambe a conclui cu Wawoe a keda activo den operacionnan di NLS hasta despues cu el a bay prison.

Despues di asesinato di su partner Latoya, e lo a sigui duna ordo for di prison, dirigiendo asesinato y coordinando actividadnan relaciona cu droga.

Defensa ta bay apela. Durante e procedura, Wawoe consistentemente a nenga cu e ta un miembro di NLS of cu tabatin cualkier participacion den e asesinato. Su team di defensa, lidera pa abogado Alicia Blonk, ya a anuncia plan pa apela e sentencia.

E veredicto contra Wawoe ta ser considera como un caso emblematico den e bataya di Reino contra crimen organisa, particularmente mirando e reputacion violento di e grupo tanto na Corsou como Sint Maarten.

Parlamento Hulandes ta pusha pa coordinador nacional pa feminicidio

(NLTimes) - Tweede Kamer, e camara mas abao di parlamento Hulandes, kier un coordinador nacional pa trece mas coherencia den e politicanan contra feminicidio. VVD, GroenLinks-PvdA, D66, NSC, y SP, cu hunto ta ocupa 82 asiento, ta bisa cu un “plan di accion integral” ta necesario pa reemplaza e acercamento fragmenta actual ora ta trata di combati e asesinato di hende muhe door di hende homber pa motibo di nan sexo.

Parlamentario di GroenLinks-PvdA, Songül Mutluer, a delinea un serie di medida dirigi riba fortalece proteccion contra violencia do-

mestico. Su proposicionnan ta inclui castigo mas severo pa abuso psicologico, homicidio imboluntario di un partner of yiu, y chocamento no-fatal. Hende muhe cu ta ser choca pa nan partner tin siete biaha mas chens di bira victima di feminicidio despues den e relacion. Varios partido a expresa nan sosten pa su plan.

E Parlamentarionan tambe a enfatisa e necesidad pa conscientisa riba señalnan di advertencia cu por muestra riba violencia domestico of un feminicidio inminente. Varios parlamentario a describi esaki como “e crimen mas previsible,” señalando cu hopi biaha e ta sigui un patronchi conoci di control dentro di e relacion, sigui pa stalking of

menasa despues di un kiebro.

Durante e debate, e gobierno a priminti di consulta cu parlamento riba si mester nombra “un motor” pa e politica di feminicidio, aunke e responsabilidadnan exacto di e rol no tabata cla ainda. Secretario di Estado Nicki Pouw-Verweij (Salubridad, BBB) a sugeri cu e rol por tuma e forma di un coordinador nacional, un comisario di gobierno, of un enviado special.

Miembro di VVD Bente Becker mesora a yama pa un coordinador. “No ta trata di conscientisa, loke un comisario di gobierno ta haci; mi kier djis un hende pa core esaki full-time,” el a bisa. GroenLinks-PvdA tambe ta



defende pa asigna un minister responsabilidad general pa e politica di feminicidio di e gabinete. Parlamento a expresa frustracion cu e politica di feminicidio ta fragmenta actualmente den e Ministerionan di Salud, Husticia y Enseñansa.

Mutluer a publica su nota despues di un zomer marca pa varios caso di violencia contra hende muhe. E asesinato di Lisa di 17 aña di Abcoude, kende a ser asesina

mientras e tabata bayendo su cas riba bicicleta despues di un salida anochi, a lanta un indignacion publico generalisa. Miles di hende den varios ciudad a subi caya pa protesta contra feminicidio, violencia domestico y mal conducta sexual.

E gobierno tin como meta pa aclaria prome cu fin di aña si un “motor” lo ser nombra pa e politica di feminicidio, y si ta asina, kico e rol lo encera.

Funcionario di Rotterdam acusa di a duna casnan destina pa hende sin hogar na su famia

(NLTimes) - Gobierno di e ciudad di Rotterdam a presenta acusacionnan contra un funcionario anterior cu supuestamente a permiti miembronan di famia y amigonan biba sin huur den ocho propiedad municipal destina pa hende sin hogar.

Un aña pasa, e ciudad a ricibi un keho di integridad tocante e uso di e propiedadnan di e empleado, loke a pone cu e municipio a habri un investigacion.

E investigacion a revela cu “e alocacion ilegal di casnan a cuminsa cu un propiedad na 2015 y a expande te na ocho propiedad na 2024,” e checutivo di municipio a skirbi e Consejo di Ciudad. E funcionario publico a haci esaki door di “gaña colega-nan y, entre otro, manipula sistemanan administrativo.” E empleado a ser retira mesora, y keho a ser entrega na augustus.

Segun e municipio, e daño causa pa e uso ilegal ta 337.000 euro. Sinembargo, e gastonan real pa e municipio ta mas halto.

Segun e checutivo di mu-

nicipio, e ex funcionario publico a nenga tur respon-

sabilidad pa e dañonan. Cu e habitantenan, e municipio ta

spera di yega na un acuerdo riba un plan di pago y pa nan

sali for di e casnan.



We are seeking to fill the following positions for our Warehouse in **Aruba**

Membership Clerk/ Click & Go clerk/ Receiving Clerk with forklift certification/ Meat Assistant/ Produce Staff/ Front End Cashiers/ Food Service Staff/ Meat Cutter/ Loss Prevention Clerk

Requirements

- Minimum EPB/MAVO degree, at least 2 years of work experience in similar function
- Excellent customer service
- Ability to work both independently and as part of a team
- Able to work shifts
- Computer knowledge of Windows and AS400 operating systems.

Click & Go Supervisor

Requirements

- Minimum MAVO/EPI degree, at least 2 years of work experience in similar function
- Leadership skills
- Excellent customer service
- Strong analytical and problem-solving skills
- Proficiency in Microsoft Office (Excel, Word)
- Excellent communication skills verbally and written in English and Spanish

We offer

Competitive salary & benefit packages. Health disabilities, life-, dental- and vision insurances. Bonuses, opportunity to grow

Interested in one of the positions?

You can stop at the Club to fill in an application or send your application, including cover letter and resume via e-mail to Lmaduro@pricesmart.com by **September 29, 2025**.



WWW.BONDIA.COM

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Jamaica: COJ cu limpieza di companianan inactivo pa minimalisa fraude

(JamaicaObserver) - Den un intento pa minimalisa fraude y otro actividadnan deshonesto e Oficina di Companianan di Jamaica (COJ) pronto lo cuminsa un limpieza masivo di su registro pa kita companianan inactivo.



Esaki a keda revela pa e Hefe Ehecutivo di COJ Shellie Leon durante un rueda di prensa convoca pa e Minister di Industria, Inversion y Comercio Senador Aubyn Hill durante cual el a anuncia plannan pa mehora y eventualmente reloca e COJ for di su sede na Grenada Way na New Kingston.

COJ a indica cu tabatin un aumento den e registracion di companianan nobo. A puntra Leon si su oficina tabata vigila activamente y kitando for di su registro, companianan cu a bira inactivo y no ta den funcion mas.

Den su contesta, Leon a bisa, "Mientras cu COJ ta fortalece su cuadro anti-labamento di placa nos ta monitoria tanto

companianan activo como inactivo. Como tal, den un tempo hopi cortico nos ta bay ta haciendo un limpieza masivo di nos registran pasobra algun compania inactivo... nos ta hayando cu aunke nan no ta haci rindimento, nan no tin un oficina real cu nan ta opera for di algun propiedad di nan y kizas nan tin propiedad di nan; nos ta coopera cu, por ehempel, e Agencia Nacional di Tera pasobra e companianan inactivo aki, nan ta un porta pa fraude ser comete."

Leon a agrega cu tin hende "cu ta haya sa cu e companianan ta inactivo, ta haci cierto cambionan, ta

tuma propiedad di hende, etc. Pues nos ta monitoria tanto inactivo como activo y nos ta trahando cu otro partnernan den e esfuerso ey".

Di su banda, Hill a declara cu loke Leon a papia di dje tabata "loke e banconan semper tabata conoce: fraudenan den banconan casi invariablemente... ta sucede den cuentanan inactivo".

E bankero cu a bira politico a bisa cu ora e tabata maneha banconan, sea den of pafo di Jamaica, "Semper nos ta insisti cu e auditorianan mester pasa door di e cuentanan inactivo pasobra ta eynan e fraudenan tin e tendencia di origina. Pues ta hopi importante cu

COJ ta bay riba e caminda ey tambe."

Mientras tanto, Hill a bisa cu pa Jamaica por impulsa productividad, mester tin un revision grandi di e proceso di adkision cu hopi biaha ta causa retrasonan largo pa haya aprobacion di proyectonan.

"Den mi bista, e proceso di adkision aki, ora el a ser skirbi, tur hende cu a skirbie tabata parce di kere cu tur hende na Jamaica tabata un ladron. El a ser traha pa para tur cos y control'e cinco biaha prome cu bo por a haci'e," el a bisa.

E minister a puntra, "Con [bo] ta bay construi un pais asina?" El a musta riba e camindanan cu, a pesar di nan estado deplorable, ta somet na un proceso di adkision largo, hopi biaha ta aumenta e nivelnan di frustracion.

"Esey mester cambia. Esey lo ta mi defensa y mi ta kere cu e Gabinete ta bay move den e direccion ey," Hill a bisa. Tambe el a bisa durante e

rueda di prensa cu COJ a bin ta buscando un otro edificio pero, mientras tanto, a bin ta trahando pa expande e localidad di Grenada Way pa haci'e mas comodo pa clientenan cu ta dreña. E ta anticipa cu e renobacionnan lo ta cla pa januari 2026 pero no tabata cla ki dia e sitio permanente nobo lo ta den funcion.

Hill a bisa cu e futuro di COJ ta digitalisacion, cu e expectativa cu te cu 80% di servicio lo ta online pa december 2025. El a comparti cu pa october, lo tin aprobacionnan automatico pa formularionan di declaracion anual, cambio di secretario di compania y cambio di oficina registra, tur di cual lo ser haci online.

Pa november, cambio di documento, cambio di director y alocacion di accionnan nobo lo bira e norma nobo online. Adicionalmente, e-certificadonan pa companianan lo ser lansa na october.

Venezuela: Jet di regimen cu tabata haci vuelo frecuente na Cuba a crash

(CiberCuba) - Un Learjet 55 di regimen Venezolano a crash durante lantamento na Maiquetia. A rescata dos persona na bida. Causa di e accidente ta bao investigacion, cu a genera un kolom halto di huma.

Un avion priva, Learjet 55 (registracion YV3440) a crash ayera durante lantamento riba e pista di Aeropuerto Internacional di Maiquetia, Simon Bolivar, generando huma visible for di varios punto na e costa central.

Autoridadnan aeronautico a reporta cu a rescata dos persona na bida y cu nan ta den condicion stabiel despues di e accidente abordo di e avion di regimen Venezolano, usa pa e chavistanan durante biahenan frecuente na Cuba.

A activa protocolnan di buskeda y rescate y a forma un Hunta di Investigacion

di Accidente pa determina e causa di e incidente, segun Instituto Nacional di Aviacion Civil, INAC. INAC a declara cu e evento a sucede pa 12:52pm na momento di lantamento. E comunicacion oficial a enfatisa e activacion inmediato di e mecanismo di respuesta y e inicio di e proceso forensico tecnico rekeri pa regulacionnan di aviacion.

Testigo y bisiña den e area a comparti video di e impacto y e huma diki cu a sali for di e pista principal di e aeropuerto, esun mas importante na e pais. E imagnan a circula riba rednan social tiki despues di e accidente.

Te cu publicacion di e noticia, autoridadnan no a revela e cantidad total di pasahero, operador di e avion, itinerario planea of e causa probable di e incidente.

Maiquetia ta concentra mayoria di operacion di vuelo internacional y domestico na Venezuela, pues incidentenan riba e pista por tin impacto temporal riba e schedule di vuelo y por rekeri clausura parcial mientras teamnan di emergencia y investigadornan ta responde.

Segun registro di vuelo, e avion tabata haci biahenan frecuente na Cuba. Esun mas recien tabata registra diasabra ultimo. Tur siman, al menos dos vuelo a sali for di Maiquetia bayendo La Habana.

Ademas di vuelo na e isla, e avion a haci biahe pa Panama y Cancun (Mexico), parti di e destinacionnan frecuente di e regimen Chavista.

Venezuela a regala Cuba al menos tres avion priva Dassault Falcon durante gobierno di Hugo Chavez.



Na 2019, Diaz-Canel a usa e Dassault Falcon 900, cu registracion Venezolano YV-2053 y un prijs calcula na 41 milyon dollar, pa su prome bishita na Mexico, cu a dura apenas 24 ora.

Tanto esun aki como e otro dos Dassault Falcon 50, cu

registracion YV-1128 y YV-1129, registra bao compania Venezolano SATA (Servicio Autonomo di Transporte Aereo), lo a retene nan registracion pa ser repara cuakier caminda na mundo sin miedo di sancion Mericano. Cuba a djis kita e bandera Venezolano for di nan.

Celebra cu JOIA Aruba y Tierra del Sol

E temporada di mas du-shi y anhela ta acercando y pa es motibo aki tambe JOIA Aruba by Iberostar y Tierra del Sol a presenta varios opcion pa celebra e temporada di pasco y año nobo na un manera festivo cu un toque di elegancia.

Recientemente a tuma lugar un 'Christmas Showcase' den e ballroom di Tierra del Sol unda conhuntamente cu



JOIA Aruba a presenta varios pakete y setup como opcion pa celebracion di pasco y año nobo cu bo compania. Varios compania corporativo cu ta-

bata presente por a admira varios setup di mesa decora completamente den diferente color, toque di elegancia y tema pa cumpli cu deseo y gusto di cada persona.

E paketenan ta consisti di un estilo 'mix and match' unda cu cada compania por scohe nan color, nan propio estilo y setup cu ta na alcance di tur budget. Tambe tin varios pakete di menu navideño cu por ser adapta na gusto. E temanan cu a ser presenta tabata: "Snow & Champagne", "Starlight Soirée", "Vintage Golf Christmas" y "Winterfrost", pero e ekipo di evento ta cla pa crea combinacion cu

cada compania ta desea. E paketenan navideño ta cuminsa pa gruponan di minimo 20 persona. Pa gruponan menos cu 20 persona tambe ta posibel y cu gusto e ekipo di evento lo sa di coordina esaki. Na JOIA Aruba tin varios opcion pa haci bo cena navideño of fiesta corporativo, por ehempel tin Zima Rooftop Bar den aire ilumina pa streanan, of den ballroom. Na Tierra del Sol

tin opcion haci esaki den e hardin of den ballroom, pues opcion tin suficiente pa crea un anochi magico.

Pa haci un reservacion of cita, por semper tuma contacto cu nos ekipo di evento, Ethlyn Castillo na ebagr1@iberostar.com of Emilio Geerman na tdsgr1@iberostar.com. Laga JOIA Aruba of Tierra del Sol encarga di bo celebracion special.

Merca ta propone un mision nobo di seguridad na Haiti

(DiarioLibre) - Gobierno di Merca a urgi Consejo di Seguridad di Nacionnan Unidialuna pa aproba un mision di seguridad nobo di 5.500 persona pa Haiti cu un mandato pa combati gangnan.

Sub-secretario di Estado di Merca Christopher Landau a pidi pa aprobacion di e resolucion entrega pa su pais prome cu e mandato di e actual Mision di Seguridad Multinacional (MSS) dirigi pa Kenia caduca.

"Ta tempo pa actua, y Merca ta pidi tur nos partnernan uni cu nos den pusha pa e resolucion critico aki prome cu e mandato di e mision di MSS caduca dia 2 di october," Landau a bisa den un evento cu e presidente di Kenia William Ruto na New York na ocasion di e Asamblea General di Nacionnan Uni.

Merca y Panama a introduci un resolucion dilanti Consejo di Seguridad pa establece un forsa mas amplio di supresion di gang y un oficina di apoyo di Nacionnan Uni na Haiti, cu apoyo di e pais Caribeense y e 32 miembronan di e Organizacion di Estadonan Americano (OEA).

China y Rusia, tur dos cu poder di veto den Consejo di Seguridad, a expresa reservanan, citando e oposicion domestico di Haiti contra intervencion di exterior.

E mision nobo, Landau a señala, "lo ta consisti di mas cu 5.500 personal, mas cu cinco biaha e tamaño di e mision actual di MSS, y lo opera bou di un mandato autorisa pa Capitulo VII di e Carta di Nacionnan Uni," cu ta regula e uso di forsa pa restaura paz.

Bou di e mandato aki, e forsa lo ta empodera pa "combati gangnan di forma proactivo y restaura seguridad na Haiti," e sub-secretario a agrega.

Landau a haci un yamado na e estadonan miembro di Nacionnan Uni pa apoya e creacion di e Forsa di Supresion di Gang aki y provee "e recursonan necesario" pa stabilisa e pais.

E Sub-secretario a gradici Kenia pa su liderazgo den e MSS, pero a adverti cu e mision aki ta falta suficiente recurso y un mandato pa atende e crisis.

E MSS, un iniciativa pidi pa autoridadnan Haitiano, ta ser dirigi pa Kenia, sosteni financieramente pa Merca, y a ser aproba pa e Consejo di Seguridad na 2023.

E mision aki, activa na 2024, ta busca pa sostene forsanan di seguridad Haitiano den nan lucha contra gangnan arma cu ta controla casi 90% di e capital y otro areanan di e pais, aunke te awor no a logra resultadonan significante.

Celebra Dianan di Fiesta serca nos

Promocion special pa **temporada di fiesta** y paketenan atractivo pa **fiestanan corporativo**.

Pa mas informacion email nos na
Ethlyn Castillo ebagr1@iberostar.com
Emilio Geerman tdsgr1@iberostar.com

Trio di satellite di clima espacial lansa hunto pa studia e banda violento di solo

(AP) — Un grupo di satellite di clima espacial a lansa diaranson mainta pa pone bista nobo riba tormenta solar cu por produci aurora impresionante, pero tambe por stroba comunicacion y menasa astronaut den vuelo.

E tres satellite a sali for di Kennedy Space Center poco despues di salida di solo riba e mesun raket di SpaceX. Nan a ser dirigi pa un puesto di observacion na orbita di solo, 1.6 miyon kilometer for di Tera, cada un cu su propio mision separa.

Na total, e satelitenan di NASA y Administracion Nacional Oceanico y Atmosferico (NOAA), hunto cu gasto relaciona, ta costa aproximadamente \$1.6 biyon. Joe Westlake di NASA yama esaki “e ultimo carpool

cosmico” door di comparti un raket pa spaar placa.

Dirigiendo e formacion ta e nave autonomo di Mapeamento Interstellar y Aceleracion (IMAP) di NASA, e prome cu lo ser desplega. E lo examina e limitenan externo di e heliosfera, e bubble protector di gas maneha door di biento solar rond di nos sistema solar.

Como un extra, IMAP lo por duna aviso adelanta di tormenta solar — un aviso valioso di 30 minuut — pa astronautnan cu ta explorando e luna bao di e programa Artemis di NASA. Oficialnan ta spera cu e observatorio lo ta completamente operacional ora cu cuatro astronaut bula rond di luna y bin back otro aña.

E Observatorio di Geoco-



rona Carruthers mas chikito di NASA tambe ta bula, enfocando riba e atmosfera mas

externo di Tera cu ta briya y ta extende hopi mas leu cu e luna. El a haya su number di un científico cu a fayece George Carruthers, kende a inventa e telescop ultravioleta cu a ser poni na luna door di e astronautnan di Apollo 16 na 1972.

E observatorio nobo di clima espacial di NOAA lo ser pusha den servicio di pronostico di tempo completo, dia y anochi. E lo mantene vigilancia riba e actividad di solo y midi e biento solar pa yuda proteha Tera for di flare menasador.

Oficialnan ta spera cu e satelitenan di NASA lo ta den posicion y operacional na comienso di otro aña, y e nave espacial di NOAA pa spring.

NASA ta contribuyendo mas cu \$879 miyon pa su dos mision, mientras cu e parti di NOAA ta \$693 miyon.

Aunke NASA ya tin un flota di navenan espacial pa observa solo, e cabes di mision científico Nicky Fox a bisa cu e misionnan mas nobo aki ta ofrece instrumentonan mas avansa cu lo duna midi mas sensitivo.

“Simplemente por pone tur esey hunto pa duna nos un bista hopi mas miho di e

solo,” el a bisa.

E meta ta pa comprende solo miho pa asina proteha Tera miho, segun oficialnan. Impresionante cu nan ta, e aurora nort y sur no lo ta e enfoke di e misionnan.

Durante un previsualisacion di e mision Artemis di NASA cu lo ta rond di luna, oficial científico a bisa diamars cu e misionnan nobo di clima espacial aki lo mehora pronostico y duna alerta vital si actividad solar mayor a ataca. Si esey ta pasa, e cuatro astronaut lo tuma refugio temporal den un area bao di e vloer di e capsula pa evita e nivel eleva di radiacion.

AI ta subi lista di reto global riba agenda pa reunion di UN

Inteligencia artificial (AI) ta subi lista di reto global grandi y complica cu lidernan mundial y diplomatico lo aborda durante e reunion anual di nivel halto di Nacionnan Uni e siman aki.

Desde cu e popularidad di AI a cuminsa cu debut di ChatGPT rond di tres aña pasa, e capacidad impresionante di e tecnologia aki a asombra mundo. Companianan tecnologico a core pa desaroya sistema di AI miho ainda, a pesar cu experto ta adverti di su riesgonan, incluyendo menasa existencial manera pandemia diseña, desinformacion di gran escala of AI criminal cu ta sali di control, y ta yama pa medida di seguridad.

E adopcion di un arkitektura di gobernacion nobo pa UN ta e esfuerso mas grandi y recien pa controla AI. Esfuersonan multilateral anterior, incluyendo tres cumbre di AI organisa door di Gran Britania, Corea di Sur y Francia, a resulta solamente den promesa sin consecuencia.

Luna pasa, Asamblea General a adopta un resolucion pa establece dos cuerpo clave riba AI — un forum global y un panel cientifico independiente di experto — den un movimiento importante pa guia esfuersonan di gobernacion global pa e tecnologia.

Diaranson, un reunion di Consejo di Seguridad di UN lo haci un debate habri riba e topico. Entre e preguntanan cu lo aborda: Con Consejo por yuda garantis e aplicacion responsabel di AI pa cumpli cu ley internacional y apoya procesonan di paz y prevencion di conflicto?

Y diahuebs, como parti di e reunion anual di e organismo,



Secretario-General di UN, Antonio Guterres lo tene un reunion pa lansa e forum, yama Dialogo Global riba Gobernacion di AI.

E ta un luga pa gobiernonan y “inversionista” discuti cooperacion internacional y comparti idea y solucion. E ta programa pa reuni formalmente na Geneva otro aña y na New York na 2027.

Mientras tanto, ta spera cu lo cuminsa un buskeda pa haya 40 experto pa e panel di cientifico, incluyendo dos co-presidente, un di un pais desaroya y un di un pais den desaroyo. E panel a haci comparacion cu e panel di cambio climatico di UN y su reunion anual COP principal.

E cuerponan nobo ta representa “un triunfo simbolico.” Nan ta “te awo e enfoke mas globalmente inclusivo di mundo pa goberna AI,” Isabella Wilkinson, un miembro di investigacion na e think tank Chatham House na Londres, a skirbi den un blog post.

Prome cu e reunion, un grupo di experto influyente a yama pa gobiernonan pa corda riba

asina yama linea color di AI pa drenta na vigor pa fin di proximo aña, bisando cu e

tecnologia aki mester “barera minimo” diseña pa preveni e “riesgonan mas urgente y inaceptabel.”

E grupo, incluyendo empleado importante na OpenAI, e fabricante di ChatGPT, e laboratorio di investigacion di AI di Google DeepMind y e fabricante di chatbot Anthropic, kier pa gobiernonan firma un acuerdo internacional obligatorio riba AI. Nan ta señala cu mundo anteriormente a corda riba tratado cu ta prohibi prueba nuclear y arma biologico y ta proteha e lama profundo.

Y en bes di establece un serie di regla cu ta fiha na piedra, diplomatico por traha un “convencion di estructura” cu ta suficiente flexible pa ser actualisa pa refleha e avance mas recien di AI.



Anuncio



YOM KIPPUR

Den cuadro cu e dia sagrado di Yom Kippur
tur surcusal di Caribbean Mercantile Bank N.V.
lo ta cera pa publico riba diaranson
2 di october, 2025.

Na e comunidad Hudiu nos lo kier
desea un ayuno facil y scrito seyado.



CMB

CARIBBEAN MERCANTILE BANK

Temiendo otro guerra cu Israel, Iran ta cuminsa reconstrui sitio di misil

(AP) — Iran a cuminsa reconstrui sitio di produccion di misil cu Israel a ataca durante su guerra di 12 dia na juni, potret di satelite analisa door di The Associated Press ta mostra, pero un componente clave ta ainda falta — e mixer grandi necesario pa produci combustibel solido pa e armanan.

Reconstitui e programa di misil ta crucial pa e Republica Islamico, cu ta kere cu un otro ronda di guerra cu Israel por ta na caminda. E misilnan ta un di e tiki defenss militar di Iran despues cu e guerra a destrui su sistemanan di defensa aereo — algo cu Tehran desde hopi tempo a insisti cu nunca lo ser inclui den negociacion cu Occidente.

Experto di misil a bisa AP cu obtene e mixernan ta un meta pa Tehran, particularmente mientras e ta prepara pa e posibilidad cu lo reimpona

sancion di Nacionnan Uni riba e pais mas despues e luna aki. E sancionnan lo castiga cualkier desaroyo di e programa di misil, entre otro medida. Den un discurso na Asamblea General di UN diaranson, Presidente di Iran, Masoud Pezeshkian a culpa e atakenan Israeli y e bombardeo separa di Merca riba sitio nuclear di Iran pa “duna un golpi severo” na negociacion di paz.

Conoci como mixer planetario, e mashinnan ta caracteriza pa blade cu ta draai rond di un punto central, manera planeta den orbita, y ta ofrece accion di mescla miho cu otro tipo di aparato. Iran por cumpra nan na China, unda experto y oficial Mericano ta bisa cu nan a cumpra material di combustibel di misil y otro componente den pasado.

Emission di Iran na Nacionnan Uni no a responde pregunta

tocante e esfuersonan di e pais pa reconstrui su programa di misil.

Guerra di Israel a ataca sitio di misil cu combustibel solido Misil cu combustibel solido por ser gasta mas rapido cu esunnan cu ta usa combustibel likido, cu mester ser carga prome cu lansamento. E velocidad aki por haci e diferencia entre lansa un misil y cu e misil ser destrui den un lansador — algo cu a pasa durante e guerra cu Israel.

Iran tin base di fabricacion di misil cu combustibel solido na Khojir y Parchin, dos sitio cerca di Tehran, tambe na Shahroud, rond di 350 kilometer nort-oriente di e capital. Hasta prome cu e guerra mas recien, tur e sitionan aki tabata bao di atake Israeli na october 2024 durante hostilidad entre e dos pais.



Atakenan durante e guerra na juni a ser dirigi na edificio cu a tabatin e mixernan, cu ta necesario pa sigura cu e combustibel di misil ta mescla uniformemente, segun experto. Otro sitio golpia door di Israel a inclui facilidad di fabricacion cu probablemente por ser usa pa haci e mixernan.

E velocidad cu Iran ta reconstrui ta mostra e importancia cu Tehran ta duna su programa di misil. E sitionan nuclear bombardia di Iran te awor no a mostra e mesun nivel di actividad.

Durante e guerra, Iran a lansa 574 misil balistico na Israel, segun Instituto Hudiu pa Seguridad Nacional di Merca na Washington, cu tin un relacion estrecho cu ehercito Israeli. Den dos intercambio di tiro prome cu e guerra, Iran a lansa otro 330 misil, e think tank a bisa.

Ehercito Israeli tabatin e arsenal total di Iran calcula na rond di 2.500 misil, lo nifica cu mas cu un tercio di su misilnan a ser lansa.

Prome cu e guerra, Iran tabata na caminda pa por produci mas cu 200 misil cu combustibel solido pa luna, segun Carl Parkin, un miembro estudiante na James Martin Center. Esaki a atrae atake Israeli na facilidad di construccion di misil.

Ehercito Israeli a nenga pa responde pregunta tocante su strategia. Minister di defensa di Iran, Gen. Aziz Nasirzadeh, recientemente a reclama cu Tehran awor tin misil nobo cu cabes di guerra mas avansa.

Mixer Chines mira na sitio di misil na Siria afilia cu Iran Iran por scoge pa depende riba China pa obtene mixer y e kimico pa haci combustibel solido.

Kimico asina por a causa un explosion masivo na april cu a mata por lo menos 70 hende na un puerto na Iran. Iran ainda no a splica e explosion, cu a sucede mientras su diplomaticonan a reuni cu Mericanonan na

Oman tocante su programa nuclear.

Mientras tanto, e Guardia Revolucionario di Iran probablemente a provee un mixer planetario na un facilidad di construccion di misil balistico subteraneo na Siria cerca di e pueblo di Masyaf, rond di 170 kilometer nort di e capital, Damascus, cerca di e frontera di Libanon. Video publica door di ehercito Israeli lunas despues di e incursion na september 2024 riba e facilidad a mostra e mixer, cu tabatin un parecido manera otro bendi riba internet door di compania Chines.

Presidente di Iran y oficialnan militar a bishita Beijing mas tempran e luna aki pa e parada di Dia di Victoria di China. Gobierno di Iran no a provee ningun informe detaya di loke Pezeshkian a bisa na Presidente di China, y e medionan di estado di China no a ofrece ningun indicacion cu Tehran a pidi ayudo.

Ministerio di Asunto Exterior di China contestando tocante posiblemente provee Tehran cu mixernan y material di combustibel, a bisa AP cu Beijing ta “dispuesto pa continua probechando su influencia pa contribui na paz y estabilidad na Medio Oriente.”

Can Kasapoğlu, un miembro di posicion halto cu Hudson Institute na Washington, a bisa cu Beijing por provee sistema di guia y microprocessor tambe pa e misilnan balistico di Iran. “Si Iran ta usa su relacion cu China pa fortalece su capacidad militar disruptivo, e guerra di 12 dia por ta un obstaculo chikito pa e regimen di Iran, na luga di un derota decisivo,” el a skirbi.

Lair, e analista, a bisa si Iran ta reinicia su produccion na nivel cu e tabata prome cu e guerra, e cifra absoluto di misil produci lo haci mas dificil pa e Israelinan destrui nan preventivamente of destrui nan.

@marea.aruba

M A R E A

Latin Beats

BRUNCH

• TURN UP THE FLAVOR, FEEL THE RHYTHM •

SEPTEMBER 27 | 11AM - 3PM

CARIBBEAN FUSION LIVE ACTION STATIONS

JOIA
BY VIBEROSTAR

Reservation number: ☎ 699-9317

ALL YOU CAN EAT \$79 ONE PLATE AT A TIME

ADD ALL YOU CAN DRINK MOJITOS

🍹 \$35 PER PERSON 🍹

**THE SAN NICOLAS
POP-UP
MARKET**



**DIASABRA
27 DI SEPTEMBER 2025
ORARIO: 9AM - 3PM**

Handmade Goods – Artisan - Foods – Live Music - Kids Corner

Plaza Lolita

dilanti Postkantoor San Nicolas




Accidente pa falta preferencia na Bubali



Diamars merdia a drenta informe di un accidente cu hende herida dilanti consultorio di dentista Marsman, mesora a dirigi

un patruya na e sitio.

Na yegada di e patruya a bin compronde cu aki ta trata di un accidente unda e chauff-

feur di e Daihatsu Terios no a calcula e velocidad ni e distancia di e Kia Sportage y e Sportage a bin dal tras di e Terios y bira esaki.

Debi na e fuerte impacto 2 adulto y un mucha a resulta levemente herida. Na yegada di e ambulancenan a atende e

victimanan.

Adulto mayor haya sin bida den su auto na Flemmingstraat

Diamars mainta a drenta informe di cu tin un dama cu no ta duna señal di bida na Flemmingstraat, mesora a dirigi un patruya na e sitio.

Na yegada di e patruya en berdad a topa un adulto mayor, cu no ta duna señal di bida mas.

Ambulance a presenta y a pidi presencia di dokter. Na yegada di e dokter a constata morto natural di Jacoba Dania naci na Aruba 26 di November 1946. Jacoba tabata un fiel ayudante na Pro-Catedral San Francisco, nos



tur ta corda e dama cortico aki pero cu un curason grandi pa su creencia y siguido di su Fe. Na famia di e fayecido

ta bay nos mas sincero palabranan di condolencia.

Auto a bay staciona na Palm Beach y a cay den riool



Diaranson madruga a drenta informe di un incidente cu a tuma lugar na Palm Beach, mesora a dirigi un patruya na e sitio.

un Nissan March cu a bay staciona y a para net riba e tapa di un rioolering y esaki a move sac bak aden y e auto a keda pega cynan.

Na yegada di e patruya a bin compronde cu aki ta trata di

Mester a yama un takelwagen pa bin saca e auto.

Auto a dal un scooter electrico riba rotonde

Dialuna atardi a drenta informe di un accidente na e rotonde panort di Acero na Tanki Leendert, mesora a dirigi un patruya na e sitio.


Na yegada di e patruya a bin compronde cu aki ta trata di un accidente pa falta di preferencia, unda un auto a subi e rotonde sin a duna e scooter electrico preferencia. Afortunadamente ningun hende a resulta herida.



Auto a hit & run un palo di lus na Shiribana

Dialuna madruga a drenta informe di un accidente na Shiribana, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un auto a ranca un palo di luz y a sigui core bay.



Chauffeur burachi a bay pasa auto, dal frontal riba auto contrario na Cumana

Dialuna madruga a drenta informe di un accidente dilanti Italo Arubano na Cumana, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un chauffeur burachi a bay pasa un auto net ora trafico contrario ta bini y a bay dal e frontal.

Despues di e accidente, e chauffeur burachi kier a bringa tambe cu e chauffeur di e otro auto. Debi na e impacto,



un muhe na estado a resulta herida. Na yegada di e ambulance nan a atende e victima.

Como cu e chauffeur tabata burachi y kier a bringa cu e otro partido, polis a deten'e.



Chauffeur burachi a causa accidente di cadena



Diaranson mainta a drenta informe di un accidente cu hende herida banda di ex- Wema na Ponton, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur burachi di un Nissan March no a regula su velocidad ni a mantene distancia a bay dal tras di un Kia Rio y consecutivamente esaki a bay dal tras di e Honda Fit.

Debi na e impacto, e chauf-



feur di e Honda Fit a resulta herida. Mientras tanto polis a test y a detene e muhe bao influencia, mientras na yegada

di e ambulance nan a atende e chauffeur levemente herida na e sitio mes.

Diaranson madruga a drenta informe di un accidente cu hende herida riba caminda di Savaneta, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur di un Toyota Vitz para na un crusada y a bay subi caminda grandi net na momento cu un Nissan Versa ta biniendo cu velocidad halto y a dal su tras.

Debi na e fuerte impacto e chauffeur di e Versa a resulta herida. Na yegada di e ambulance nan a atende e victima y a transport'e pa hospital.



Chauffeur herida ora auto a sali su dilanti na Savaneta

Pa motibo di discusion, a cay den un rand y keda pega

Diadomingo birando mainta, polis pasando na Sasakiweg a bin topa cu un auto pega na

e drempele y un homber y un muhe ta discuti.



Un detenido mata y dos otro herida criticamente den facilidad di ICE na Dallas

(AP) — Un homber arma cu un rifle a tira for di un dak riba un edificio di Inmigracion y Aduana Mericano (ICE pa su siglanan na Ingles) na Dallas ayera, matando un detenido y heridando otro dos den un van di transporte prome cu comete suicidio, autoridadnan a bisa.

Un oficial a identifica e sospechoso como Joshua Jahn, 29. E oficial a papia den condicion anonimo.

E motibo exacto pa e atake no tabata conoci inmediatamente. Director di FBI, Kash Patel a post un potret riba rednan social mustrandó un bala haya na e escena cu “An-

ti-ICE” skirbi riba dje.

E atake ta e asesinato publico, enfoca, mas recien na Merca yegando apenas dos siman despues cu activista conservador Charlie Kirk a ser mata pa un homber cu un rifle, y a mientras aplicacion eleva di ley di inmigracion a genera accion contra agentenan di ICE y miedo den comunidnan di inmigrante.

Departamento di Seguridad Nacional a bisa den un declaracion cu a tira “indiscriminadamente contra e edificio di ICE, incluyendo un van na sallyport,” un entrada sigur y cu heki. E departamento a bisa cu e detenidonan herido tabata den condicion critico



na hospital, y anteriormente a bisa cu dos detenido a ser mata y uno tabata detenido prome cu haci un coreccion. Ningun agente di ICE a re-

sulta herida.

Pa atardi, Secretario di Seguridad Nacional, Kristi Noem a duna ordo pa mas seguridad na facilidadnan di ICE na e pais, segun un post di Departamento di Seguridad Nacional riba X.

Durante un conferencia di prensa merdia, autoridadnan a duna tiki detaye di e tiramento y no a publica number di e victimanan ni e sospechoso. FBI a bisa cu ta investigando e tiramento como “un acto di violencia enfoca.”

Agentenan a responde na un yamada pa asisti un oficial na North Stemmons Freeway alrededor di 6:40am y a determina cu un persona a tira riba un edificio di gobierno for di un edificio cercano, vocero di polis di Dallas, Jonathen E. Maner a bisa via email.

Algun ora despues di e tira-
mento, agentenan di FBI a
reuni na un cas den suburbio
di Dallas cu registro publico
ta vincula n Jahn. E caya ta-
bata blokea pa un vehiculo di
polis di Fairview, pero oficial-
nan cu jacket di FBI por ser
mira den e cura dilanti.

Un vocero di Collin College na McKinney a bisa via e-mail cu Joshua Jahn tabata studia eyan “varios biaha” entre 2013 y 2018. Martyna Kowalczyk, CEO di Solartime USA, a bisa den un declaracion cu Jahn tabata traha pa su compania pa menos cu algun luna “hopi aña

atras.”

Fin di 2017, Jahn a muda otro banda di e pais pa un trabao di salario minimo cosechando marihuana pa varios luna, segun Ryan Sanderson, propietario di un granja di cannabis legal den estado di Washington.

Tiki despues di e tiramento, y prome cu oficialnan a bisa cu al menos un victima tabata un detenido, vice-presidente JD Vance a post riba X cu “e atake obsesivo contra agentenan di ley, particularmente ICE, mester stop.”

Secretario Noem a nota un aumento recien den atake contra agentenan di ICE.

Dia 4 di juli, hendenan bisti na preto, estilo militar, a tira pafo di Centro di Detencion Prairieland na Alvarado, sur-occidente di Dallas, segun fiscal federal. Un polis a resulta herida. Al menos 11 hende a keda acusa en conexcion cu e atake.


Dianan despues, un homber cu un rifle a tira varios decena di bala contra agentenan federal saliendo di un facilidad di Control di Frontera Mericano na McAllen. E homber, identifica como Ryan Louis Mosqueda, a herida un polis cu a responde na e escena prome cu autoridadnan a tir’e mata.

Y den suburbio di Chicago, autoridadnan federal a pone un heki rond di un centro di procesamento di inmigracion despues cu tension a escala cu manifestantenan.

Resultado Sorteo september 24			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
1732	5627	6909	0069
6541	4569	SUPER5	7462
4914	2868	-	6801

MERDIA	ANOCHI
--------	--------

 Sorteo # 4752 4216 9107 0825  X3  Sorteo # 4752 9977  X3  Sorteo # 2808 8058  Sorteo # 4752 3866 Cancer  Sorteo # 1626 575  FP	 Sorteo # 8657 5737 7151 4313  X2  Sorteo # 7701 2322  X2  Sorteo # 2406 8332  Sorteo # 6460 4377 Aries  Sorteo # 1390 448  X2	 Sorteo # 2630 0 x Jackpot 0 x Match 4+ 3 x Match 4 193 x Afl. 12,00  Sorteo # 6958 0 x Jackpot 12 x Match 4 222 x Afl 8,00  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00   Sorteo #	06-11-13-15-31 Joker 33 Letter L Proximo Jackpot 120.000,- 05-06-11-13-18 Proximo Jackpot 91.000,- Mega Ball Proximo Jackpot 280.000,- Afl. 380.000,- 
--	---	---	--





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra
Violencia Relacional
Tel: 583-5400

Fundacion Autismo
Aruba

Irenestraat 21 Aruba
297-588-1179

Fundacion Pa Nos
Muchanan

Cumana 2 Aruba
297-583-4247

Fundacion Tel Pa
Hubentud

Wilhelminastraat 19
Aruba
297-588-6138

Koningin Wilhelmina
Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel.297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.
com

Stichting Fundacion
Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Central : Centro Medico:
Tel. 585 1965 Tel. 584 5794

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour &
Taxi C.A.

Tel: 582 2116 /582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Curso di
Capacitacion ta
sigui cu mas topico
interesante pa tur
federacion miembro
di COA

Miguel Ortiz ta conta mas
tocante e tayernan di
“Marketing & Communication”

Dialuna anochi na MFA Paradera a
continua cu e tayernan di e “Capacity
Building Training” cu a ser organisa
door di Direccion di Desaroyo di
Comite Olimpico Arubano.

Durante e tayer aki a sigui cu e tema cu
a cuminsa siman pasa cu ta di Marketing
and Communication.

Esaki sigur ta un tema hopi importante
pa tur federacion miembro, y como tal ta
mira un bon participacion di tur dirigente
deportivo presente. Miguel Ortiz cu ta
e profesional encarga cu e tayer aki, ta
conta mas di e oportunidad aki y dicon e
aspecto di Marketing & Communication
ta asina importante.

Pronostico
di tempo



Tempo:

Awe tardi y awe nochi: parcialmente
nubia y generalmente seco
Den marduga y mañan: parcialmente te
temporalmente hopi nubia cu un awasero
breve y local

Temperatura maximo 34 grado Celsius
Temperatura minimo 28 grado Celsius
Indice di calor (heat index) den y rond di
oranan di merdia: 35 pa 40 grado Celsius
Uv index: 12

Bahada di solo : 6:34pm
Subida di solo : 6:29am

Biento:

Modera for di direccionan entre oost-
noordoost y oost- zuidoost; forsa 3 te 4
(12 te 30km/ora, 7 te 16 nudo).
Durante di dia basta fuerte den rafaga;
forza 5 (31 te 39km/ora, 17 te 21 nudo)

Situacion general di tempo:

Un ola tropical ta move den parti oost di
Caribe cu mayoria di weer pa noord di
region local. Sinembargo, e humedad cu
e sistema aki ta trece por produci algun
awasero hopi plama den region local
durante e periodo di pronostico aki, cu
un chens chikito pa lamper cu strena.

Condicionnan maritimo/ estado di
lama:

Na partinan protega di costa: keto, rond
di 1 pia.
Na partinan zuid: trankil te modera cu
olanen di 1 pa 2 pia, localmente e por
jega 3 pia.
Na partinan oost te noordwest di costa:
trankil te modera cu olanen alrededor
di 4 pa 5 pia.

Aurora
Royal Pray
Funeral Home & Crematory

“Señor ta mi wardador, mi’n tin falta
di nada.
Den cunucu di yerba berde e ta ponemi
sosega.
E ta hibami na awa trankil,
pa mi bolbe haña forsa”.
Salmo: 23



Cu dolor na nos curason, nos ta participa fayecimento di nos
Casa, Tata, Welo, Ruman y Omo stima:

Sr. Rito O. Croes

Cariñosamente yama “Papa Rito”
*02-01-1948 - †12-09-2025

Mayornan: †Johana Croes-Dubero y †Nicolaas Croes

Na number di su:

Casa: Audrey Croes-Taytelbaum

Yiunan:

Raymond Croes
Angelique y Furlin Mak-Croes
Carol Croes y Randy Leyba
Jeanine y Francis Jacopucci-Figaroa
Sjaika González
Stephanie Croes
Manera yiu: Lizah Jansen

Nieto(a)nan:

Nathienne Croes
Nathanaël Croes y parcha
Ray Jan Croes
Janiray Croes
Xiomara Mak y Timothy Rentenaar
Chrystal Mak y Marino Carja
Timothy Boekhoudt
Marco Gianni Boekhoudt
Camir Wever
Jeandré Jacopucci y Mellany Loopstok
Jean-Jaré Jacopucci
Jeanoiré Jacopucci y Isabela Quilotte
Larry Melaan y Charilou Winklaar
Kishaya Melaan y Anderson Maldonado

Bisanieto(a)nan:

Dgianno Werleman
Dgiannie Werleman
Beau Croes
Belle Croes
A’son Maldonado
K’son Maldonado

Rumannan:

Justica Croes y famia
Karel Croes y Gladys Pinoco Garcia
†Vera hooft-Croes y Kees Hooft
Mariana Oduber-Croes y †Rigio Oduber
Sergio Croes y Regina Croes
†Rudy Croes y famia
†Roy Croes y famia

Sobrino(a)nan:

Eddy van Buuringen, Lorraine Croes y famia, Anja Rossingh,
Carl ter Beek, Jane Bueno-Hooft y famia, Pieter Hooft y
famia, Janice Essers-Hooft y famia, Janine Godoy-Hooft y
famia, Richella Angela-Oduber y famia, †Dion Oduber, Dijnny
Ririhena-Croes y famia, Brandon Croes, Rujerienne Lourens,
Joël Lourens, Enzo Cornes , Edgar Cornes

Suegro y suegra: Maurits y † Marlene Taytelbaum

Bon amigonan:

Mike Russel
Glenbert Croes
Richy Yarzagaray
Marco Tjon

Cuñanan: Balinge, Pompeo, Genser, Roos

Tanta y Omonan, primo y primanan y demas famianan: Croes,
Taytelbaum, Mak, Figaroa, Jacopucci, González, Jansen,
Boekhoudt, Wever, Leyba, Geerman, Hooft, Oduber, Bueno,
Esser, Godoy, Angela, Ririhena, van Buuringen, Stöwesand,
Rossingh, ter Beek, Lourens, Cornes, Dubero, Besselink, Leo,
Heyer, Quant

Ta invita pa acto di condolencia y entierro cual lo tuma
lugar diabierna 26 di September 2025 na Misa Inmaculada
Concepcion na Sta Cruz di 2or pa 4or di atardi. Despues lo sali
pa Santana Catolico na Sta Cruz.

Nos disculpa si den nos tristesa nos por a lubida algun famia of
conocir.

Despues di entierro nos no por ricibi bishita di condolencia na
cas.

Aurora

Royal Pray

Funeral Home & Crematory

Tur cos aki na mundo tin su ora y su tempo, Ora pa nace y ora pa muri, ora pa hari y ora pa yora., ora di chansa y ora di papia serio y sin lubida riba bondad y stimashon. Awo mi tin cu bay, papa Dios mester dimi aya riba. Y mane semper mi ta bisa “ Cosnan asina sa pasa”.



“Haci bon, pa bon bin pabo”

Cu dolor na nos curason, nos ta anuncia fayecimento di:

Giomar Heronimo

Na number di su:

Mama: Vilma Lacle

Tata: †Elio Heronimo

Padrasto: George Tromp

Pareha stima cu ta su princess: Yeritza Tromp

Yuinan:

Sheidy Heronimo y Mitchel Perestrelo
Yeralvienne Vrolijk y Nelshon Giel
Dwayne Webb

Rumannan:

Elio Omar Heronimo y famia
Alexi Heromimo y Jolina Tromp y famia
George- Dimar Tromp y Kristina Tromp y famia
Marisol Heronimo y famia

Suegro y Suegra: Secundino Tromp y Glody Tromp

Suanan: Theolindo Tromp y Elvis Tromp

Sobrino/a nan:

Dylan Heronimo y Daniella
Steve Heronimo y Kiara
Nolan Heronimo
Nelina Heronimo
Kaylee Tromp
Jayden Tromp
Francis Heronimo
Elise Heronimo

Ihanan, primo/a nan, amigo/a y amistades nan.

Amigo/a nan manera ruman ta demasiado pa mensiona.
Abo cu sa cu bo ta mane su ruman, sinti bo number aki scirbi y carga Gio den bo curazon.
Team di Fun 4 Every 1 Watersport
Team di Fun 4 Every 1 Racing Team
Amigo nan den Drag Racing di Aruba, Bonaire, Curacao, Miami, Orlando, Valdosta y Maryland.
Amigo nan di Gallero
Amigo nan di Go Kart
Amigo nan di Hotwheels

Disculpa nos, si den nos dolor y tristeza nos por a lubida un famia of amigo. Boso ta den nos curazon.

Ta invita tur famia, amigo, bisina y conocirnan pa asisti na **acto di condolencia** cu lo tuma lugar diahuebs 25 september 2025, di 7pm – 9 pm na Aurora Funeral Home.

Alabes, nos ta invita pa asisti na **acto di entierro** cual lo tuma lugar diabierna 26 september 2025, di 9 am – 11 am na Aurora Funeral Home. Despues ta sali pa Santana Catolico Sta. Cruz.

Aurora

Royal Pray

Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason, nos ta anuncia fayecimento di:



Hilario Henriquez
Cariñosamente yama: “Lala”
*18-02-1955 – †14-09-2025

Na number di su:

Mama: Sra. Vda. Sylvia Boekhout Henriquez

Rumannan: † Dominico Henriquez, †Johan Boekhout, †Theodor Boekhout, † Glenda Jansen Boekhout, † Yolanda Boekhout, Vivian Boekhout, †Stanley Boekhout, Miguel Boekhout, Joan Boekhout y Jimmy Dirks, † Mirta Boekhout, Ludy y Vito Maduro

Sobrino(a) nan: Joel y Giancarla Jansen y famia, Jeandre y Noris Tromp y famia, Jeanille Tromp y Anthony Kwidama y famia, Lupita y Cedrick Ras y famia, Alvin Boekhout, Mevelin y Gregory Cid-Cabrera y famia, Jermain Dirks y Suyenne Thiel y famia, Stanley Boekhout (NL), Marsela Maduro y Eugene Flanegin y famia, Joanne Dirks y famia, Joshua Sanchez, Julisa Dirks y famia, Jeanpierre Sanchez (Iha) y Maryjane Solognier y famia, Vito Maduro y Zinhia Flanegin y famia, Joaly Boekhout, Josanne Boekhout.

Madrina: Dora Werleman

Manera nieto: Kaelem Koolman

Amiga nan di cas:

Agatha Lampe y famia
Sandra Boekhout

Esnan cu a cuide: Jeanille Tromp, Cindy Vrolijk y Roderick Koolman, Iliana Wever, Jeanelley Wever.

Primo y prima nan, Comer y comper, Amigo nan di Yara complex y Sportboys Domino Team.

Demas famia: Henriquez, Boekhout, Werleman, van der Biezen, Jansen, Tromp, Maduro, Dirks, Sanchez, Vrolijk, Wever, Carty, Ras, Hernandez, Cid-Cabrera, Thiel, Koolman, Kock, Cheong, Briesen, Leon, Rasmijn, Croes, Lampe, Kwidama, Flanegin.

Si en caso den nos tristeza nos por a lubida algun persona of famia, nos ta pidi nos mas sincero disculpa.

Acto di entierro ta tuma lugar Diabierna 26 di September 2025 for di 2or pa 4or atardi na Royal Funeral Home y despues ta sali pa Santana Central Sabana Basora.

Nos disculpa cu despues di entierro nos no ta ricibi bishita di condolencia na cas.

Aurora

Royal Pray

Funeral Home & Crematory

Hesus a bisa e discipelnan: ‘Laga e muchanan bini serka Mi. No kita nan di bini, pasobra reino di Dios ta pertenesé na esnan manera nan.’

Mateo 19:14

Cu dolor na nos curason, nos ta anuncia fayecimento di:



Richandra Su-ellen Bislip
*05-08-2012 †11-09-2025

Na number di su:

Mama stima: Suzette Petrocchi

Papi stima: Richard “Chabo” Bislip

Rumannan:

Sue ann y Lionel Dirkz y yiu
Risheila Bislip

Wela(o)nan:

Rafael Bislip
Mena Rodriguez-Bislip
Eloy “Eli” Petgrocchi
Lucia Croes

Subrina stima: Kiana Dirkz

Madrina(o):

Gloria Lambert
Gorge Bislip

Tur su primo(a)nan cu ta hopi pa menshona, su prima stima Shakira Geerman

Tanchi nan Griselda Bislip y yunan
Susi Petrocchi y Riki Wever y yunan

Ompinan:

Raul Bislip
Oscar Bislip y Lisette y yunan
Raymond Bislip y yunan

Personanan cu ela stima manera un tanchi:

Maritza Everon-Petrocchi
Urika Tromp
Lina Paesch

Demas famia nan: Bislip, Petrocchi, Dirkz, Croes, Martijn, Wever, Griogoria, Rodriguez, Dubero, Paesch, Koolman, Lambert, Kelly, Harms, Andrade, Werleman, Geerman, Herrera, Kock, Cornes, Vasquez, Angela, Kaarsenhout, Vrolijk, Tromp, Genser, Heronimo, Stamper, Maduro

Acto di entierro lo tuma lugar diamars 30 di september 2025 di 2 pm pa 4 pm na Misa Inmaculada Concepción na Santa Cruz y despues lo sali bai pa Santana Catolico na Santa Cruz.

Aurora

Royal Pray

Funeral Home & Crematory

Cu dolor na nos curason, pero conforme cu Dios su
boluntad nos ta participa fayecimento di:



Celsa Wever
*26-02-1935 - †21-09-2025

*E tabata hopi stima y a trece hopi amor, cariño y humor
den nos bida. Su ausencia la wordo sinti inmensamente.
Sosega na Paz Maatje*

Viuda di: † Louis Wever

Yiunan:
† Jourainne Arends-Wever
Remy Wever
Gisy Wever & † Jacques van Veen
Loesje & Roland Dijkhoff-Wever
Jerrelyn & René Kannegieter-Wever

Nieto(a)nan:
Lella Arends
Jourizah & Indy Chan-Arends
Joey & Paula Arends-Herrera
Rene Louis Arends & indira Chan
Thais Arends
Ramsis Arends
Jerrienne & Micheal Wang-van Romondt
Kaylah van Romondt & Pascal Hoijer
Kyara van Romondt & Julian Wilmes

Bisa nieto(a): Elias & Andrea Arends, Alina-Marie
Arends, Mia & Max Wang

Rumannan:
† Bruno & † Elvia Gomes
† Grace & † Jacky Beaujon
† Roy Gomes

Subrino(a)nan: Sharlene Gomes & famia, Jessica
Vinck-Gomes & famia, Pierre Beaujon & famia,
Randall Beaujon & famia, Jacqueline Beaujon & famia

Cuña: Helen Wever

Manera yiu: Joseph Arends & Mary Lacle

Famia: Famia Wever, Femy Muyale & famia, † Oscar
Marugg & famia

Su gruponan:
The Intelligence Group
The Diamond Ladies
The Rich & Famous Team
The Rusty Needles Group

Gradicimento ta bay na: Dokter Tjon Kon Sang
Sheena, Trinity Quality Care, Nolia Raaz, su ayudante

Demas famia: Wever- Gomes- Arends- Dijkhoff-
Kannegieter- Chan- Herrera- van Romondt- Wang-
Hoijer- Wilmes- Beaujon- Muyale- Heronimo-
Marugg- Vinck

Oportunidad pa condolencia: Royal Funeral Home,
diasabra 27 september 2025 di 7or pa 9or di anochi.

Ta invta pa acto di entierro cu lo tuma lugar dialuna
29 september 2025 na Royal Funeral Home di 1or pa
3or di merdia despues saliendo pa Santana Catolico na
Playa.

Despues di entierro no ta ricibi bishita di condolencia
na cas.

Aurora

Royal Pray

Funeral Home & Crematory

*In Loving Memory of Our
Captain*

*He steered his life with
steady hands, guiding
his family through calm
waters and storms alike.
A hardworking man, a
devoted father, and the
captain of his own ship, he
taught us strength, love,
and resilience. Though
he has now sailed beyond
our horizon, his course
is forever marked in our
hearts.*



*“The memory of the righteous is a blessing.” —
Proverbs 10:7*

With deep sorrow we announce the passing of our
beloved partner, father, grandfather and brother:

Eric Maris
*01-11-1958 - †21-09-2025

Life partner: Ana Mendez

Children:
Magali & Douglas Bermudez Maris
Darren Maris
Esmeé Maris
Faith Maris

Stepchildren: Naïma & Maxwell van Schie

Grandchild: Suzanna Bermudez Maris

Siblings

Cousins, nieces and nephews, friends and neighbors

**We invite all family, friends, and acquaintances
to the Farewell Ceremony,** which will take place
at Aurora Funeral Home on Thursday 25th of
September 2025 form 2 pm to 4 pm.

Aurora

Royal Pray

Funeral Home & Crematory

*“Señor ta mi wardador,
mi’n tin falta di nada.
Den cunucu di yerba
berde e ta ponemi sosega.
E ta hibami na awa
trankil,
pa mi bolbe haña forsa”.*
Salmo: 23



Cu dolor na nos curason,
nos ta anuncia fayecimento di:

Francisco Giel
*04-06-1944 – †21-09-2025

Condolencia lo tuma lugar diasabra 27 di
september 2025 na Aurora Funeral Home di
7or pm pa 9or pm

Acto di despedida lo tuma lugar dialuna 29
di september 2025 di 2or pa 4 or pm na Misa
Sta. Anna na Noord. Cremacion lo tuma lugar
den seno familiar.

Aurora

Royal Pray

Funeral Home & Crematory

Salmo 23
*Señor ta mi wardador mi’n tin
falta di nada, den cunucu di Yerba
berde E ta pone mi sosega. E ta
hiba mi na awa trankil, pa mi
bolbe haya forza.*



Nos ta anuncia fayecimento di:

Jacoba Angelina Douglas-Verhoeks
Mihor conoci como: "Jaja"
*10-04-1928 - †20-09-2025

Na number di su:
† **casa:** Percy Stewart Douglas

Yiunan:
† Anoralit “Nora” Roos y famia
Arturo y Ramona Verhoeks-Burgos y famia
Ingrid y Carlos Bislip Douglas y famia
David John (Johnny) Douglas y Cielo Morales y famia
Frank y Nancy Douglas y famia
† Percy y Hetty Douglas y famia
Roy Douglas y famia
Linda y Ramon Douglas y famia
† Joyce Douglas y famia
Mike Douglas y famia
Rudy Douglas y famia
Dorothy Douglas y famia
† Jimmy Douglas y famia
† Ralph Douglas

Yui di crianza: Alex y Nilvis Aponte Limonier

Nietonan:
Percy y Leidy Solagnier Bastos, Hubert Solagnier y
Biki Martinez, Bryan Solagnier y Sylvie Eman, Carlos
y Isadora Bislip-Basso, Ronald Roos, Rachelle Roos,
Chianti Colina y Giovanni Kock
Cristina Douglas, Daniela Douglas y Jean-Pierre
Henriquez, David Douglas, Lucianette Verhoeks y Arturo
Verhoeks, Sofia Garcia Morales

Bisanietonan:
Arlette Roos, Ronald Roos jr, Rowald Roos, Rodwyn
Roos, Ryan Roos, Samuel Solagnier
Hubertje Solagnier y Zoë Solagnier, Jakie Solagnier,
Christlaine Kock y Allysee Kock, Amalia Tromp, Dayven
Henriquez, Sebastian Bastos Ramirez

Tataranietonan: Jatón, Sequansio, K’Ciana

Hijanan:
Claudia Posada de Diaz, Carlos Mario Posada, Margarita
Rosa Posada

Ruman:
† Angelina Posada y famia, Ladislao, Narciso, +Rosita
Posada, +Joaquin, Beatriz, Claudia, Francisco y Mario
Posada (Colombia)

Ex nuera y neuronan:
Hubert Solagnier- Martha Angel- Alexandra Calero-
Jeanine Filiciana- Shaceda Cepeda

Su Bon Amiga: Judith Ho

Ayudantenan: Idilia Iguaran y Nancy

Famia nan: Douglas - Verhoeks - Solagnier - Roos-
Bislip - Colina - Kock - Martinez -Eman - Angel-López
- Posada -Díaz - Ardila - de Cuba - Tromp - Scheper
- Escudero -Roys - Webb - Gamara - Schwengle - Fingal-
Henriquez- Krosendijk - Visser - Brokke -Boerman
- Aponte - Marin - Angela - Oduber- Pimienta- Celedon-
Brito- Todd- Dandare- Moreu - Iguaran

Oportunidad pa condolencia: Aurora Funeral Home,
diaranson 24 september 2025 di 7or pa 9or di anochi.

Ta invita pa e acto di entierro cu lo tuma lugar diahuebs
25 september 2025 na Aurora Funeral Home di 9or pa
11’or di mainta despues saliendo pa Santana Protestant na
Playa.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu dolor na nos curason, pero conforme cu
Dios su boluntad, nos ta participa fayecimento di:



Sra. Mercedes Janet Boekhoudt-Vrolijk

Cariñosamente yama "Janet of Niechi"

*24-09-1955 - †17-09-2025

Mayornan: †Susana (Sanita) y †Johanes (Johan) Vrolijk-Wester

Na number di su:

Casa stima: Marco (Chomai) Boekhoudt

Yiunan stima:

Marcolino y Estephany Boekhoudt-Croes y famia
Jantaly y Gary Agudelo-Boekhoudt y famia

Stima manera su yiu: Carina y Tom Arends y famia, Jaime y Ingrid Redondo y famia

Nietanan stima: Samira Boekhoudt, Garienne Agudelo Boekhoudt, Leyni Boekhoudt, Ileyna Boekhoudt, Melany Agudelo Boekhoudt

Rumannan:

Sira (Chia) Wester y famia
Elena (Neta) Vrolijk y famia
Alfredo (Vi) y Ingrid Vrolijk-Angela y famia
Antonio (Mito) y Alba Vrolijk Chavarriaga y famia
Alberto (Ronny) Vrolijk y famia
†Josephina (Finchi) y †Jaco Henriquez-Wester y famia
†Coleta Vrolijk y famia
†Gloria (Jojo) y †Capi Tromp-Vrolijk y famia
†Ismael (Macl) y Ina Vrolijk-Tromp
†Andres (Jani) y Luisa Vrolijk-Rodriguez y famia
†Florencio (Foyin) y Sophia Vrolijk y famia

Suanan y cuñanan:

Lucita (Chita) Boekhoudt
Francisco (Chico) Boekhoudt
Estebanita (Ninita) y Jacintho (Buchi) Laclé-Boekhoudt y famia
Maximina (Chimina) y Tomas Redondo Boekhoudt y famia

Sobrinonan y sobrinanan: Sander y Indhira Tromp y famia, Sergio y Malelys Tromp y famia, Rudy y Cristina Vrolijk y famia, Sandro Vrolijk y famia, Bryan Vrolijk y famia, Susana Valdez y famia, Kathy y Harold Koolman-Tromp y famia, Miranda Tromp y famia, Ryan y Soraima Tromp y famia, Alvi y Lisuara Vrolijk y famia, Vivian y Humphrey Kelly y famia, Alfred y Gyzary Vrolijk y famia, Viviana y Oz Flanders y famia, Marlon Vrolijk y famia, Edgar y Charissa Vrolijk y famia, Patrick Vrolijk y famia, Gilbert y Laida Tromp y famia, Elio y Melissa Tromp y famia, Dora Tromp y famia, Marlen y Roy Tromp y famia, Luvy y Jhon Patrick y famia, Tuty y Elco Pers y famia, Eva y Pedro Croes y famia, Aida Wernet y famia, Beto Henriquez y famia, Oscar Henriquez y famia, Dina Florman y famia, Suzy van Veen y famia, Coy Henriquez y famia, Rafael Henriquez y famia, Sheron Henriquez y famia, John Henriquez y famia, Edith Henriquez y famia, Glen Henriquez y famia, Candy y Zulay Vrolijk y famia, Alicia Vrolijk y famia, Viveca Vrolijk y famia, Mildred Vrolijk y famia

Ihanan:

Esmeralda Brete
Sergio Tromp
Estephany Croes

Primo y primanan

Tur su bon bisiñanan:

Norma Rafaela y famia
Alvin Levenston y famia
Janine Dijkhoff
Dayron y Gianni de Cuba y famia
Harold de Cuba
Carmen Ruiz

Su bon amigonan y amiganan na Colombia y Aruba:

Gloria Echeverri y Harold Murguritio y famia (Colombia)
Damaris Echeverri y famia (Colombia)
Argeniro Echeverri y famia (Colombia)
Herbert Briesen y famia
Truda Kelly-de Kort y famia
Noraima
Ana
MiriamPaesch y famia
Brigida Hernandez
Juan Diaz
Mena Diaz

Demas famia ta invita pa acto di entierro cual lo tum a lugar na Misa Inmaculada concepcion na Sta Cruz, diahuebs 25 di september 2025 di 2or pa 4or di atardi. Despues lo sali pa Santana Catolico Sta Cruz.

Nos disculpa si den nos tristesa nos por a lubida algun famia of conoctr. Despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.
Salmo: 23

Cu dolor na nos curason, nos ta participa fayecimento di nos ser stima:



Sr. Juan I.H. Vrolijk

Cariñosamente yama “Henky of Hendrik”

*28-12-1945 - †23-09-2025

Acto di entierro lo wordo anuncia despues


Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.
Salmo: 23

Cu dolor na nos curason, nos ta anuncia fayecimento di:



Sixto Dirksen

*06-08-1951 – †18-09-2025

Acto di entierro lo wordo anuncia despues.



University of Aruba



Cu profundo tristesa, Universidad di Aruba ta participa fayecimento di

GIOMAR HERONIMO



Universidad di Aruba y personal ta extende palabra di condolencia na nos colega Yeritza Tromp, na nos estudiante Yeralvienne Vrolijk y demas famia cu fayecimento di nan pareha y stiefvader.

Acto di condolencia lo tuma lugar Diahuebs 25 di September 2025, di 7:00 PM - 9:00 PM na Aurora Funeral Home

Acto di despedida y entierro lo tuma lugar Diabierna 26 di September 2025, na Aruora Funeral Home di 9:00 AM - 11:00 AM
Despues ta sali pa Santana Catolico Santa Cruz

CU SU ALMA SOSEGA NA PAZ

Aurora

Royal Pray

Funeral Home & Crematory

*“Bou di alanan di Dios mi ta sigur”
Abo ku ta biba bou di amparo di Altisimo, ta hospeda
den sombra di Dios Omnipotente, bisa Señor:
“Mi refugio, mi forti, mi Dios, den kende mi ta
pone mi konfiansa”
Salmo 91:1-2*

Cu imenzo tristeza na nos curazon pero conforme
cu bolulad di Dios nos ta participa fayecimento di



Jacoba Hendrika Dania
mihor conoci como: "Dika"
*26-11-1946 - †23-09-2025

Na number di su:

Mayornan:
† Jose Hendrik Dania
† Estelina Antolina Dania-Paulina

Rumannan:
Bernadette "Deta" Dania
Filomena "Mena" Dania
José "Djos" y Antonia Dania-van Beers y yiu
Marlen Dania
Hubert "Jubi" y Theresa Dania-Guiste y yiunan
Criselda y David Cooke-Dania y yiunan.
Altagracia "Grasita" y Edward Lobbrecht-Dania y
yiunan

Sobrino y sobrinanan:
Sharon y David Korten-Dania
Randolph Kelly
Julisa Dania
Gilbert y Crisna Kelly-Pereira
Giselle y Remick Reina-Kelly
Nathaly y Michael Martis-Dania
Jeremy Lobbrecht
Melony Lobbrecht
Elisabeth Lobbrecht

Sobre sobrino y sobrinanan:
Alicia Louise Korten
Elisa Kelly
Sophia Kelly
Rayshawn Reina
Yeriel Martis

Primo y primanan na Aruba, Curacao, Hulanda y
St. Maarten.
Amiganan y demas conocirnan.

Famia: Dania, Paulina, Lobbrecht, Cooke, Guiste,
Kelly, van Beers, Willems, Korten, Pereira, Martis,
Reina y demas famia.

Si encaso den nos tristesa nos por a lubida algun
persona of famia, nos ta pidi nos mas sincero
disculpa.

Ta invita pa e acto di condolencia y entiero lo
tuma lugar diaranson 1 di october 2025 for di 2or
pa 4or atardi na misa Pro Cathedral San Francisco y
despues ta sali pa santana Catolico na Playa.

Nos disculpa cu despues di entiero nos no ta ricibi
bishita di condolencia na cas.

Aurora

Royal Pray

Funeral Home & Crematory

*“Señor ta mi wardador,
mi’n tin falta di nada
Den cunucu di yerba berde e
ta ponemi sosega.
E ta hibami na awa
trankil,
Pa mi bolbe haña forsa”.
Salmo: 23*

Nos ta anuncia
fayecimento di:



Marie Yanick Horeb
Nickname: Cucu
*21-03-1960 - †05-09-2025

Na number di su:
Yuinan:
Mackenley Louis Jeune
A H

Nieto/a: Vladjinsky Horeb, Mayline Horeb

Rumannan:
Irma Gedeon (Haïti)
Fritz Horeb (Miami)
Gladys Horeb (NY)
Myrtha Horeb (Aruba)
Guerda Dor-Horeb (Canada)
Frederick Horeb Jr (Aruba)
Cuñanan/Suanan;
Marie Ossiani Horeb (Miami)
Maguedala F. Horeb (Aruba)
Jean-Michelle Dor (Canada)

Sobrino/a: Gerard Gedeon y su yiu (In), Alix Saint
Clore (Miami), Marie Gabriel Saint, Clore y su yiunan
(Canada), Fritz Junior Horeb ‘Nounou’ y su yiunan
(Miami), Jerry Horeb y su yiunan (Miami), Casandra
Horeb y su yiu (Miami), Jenny Horeb y su yiunan (US),
Brian Horeb (SDO), Vladimir Horeb (Haïti), Vallery
Horeb y su yiunan (Haïti), Edwidge Simeon (NY), Esther
Horeb y su yiu (Aruba), Lamothe Horeb y su yiu (Haïti),
Saradjine Horeb y su yiunan (Aruba), Clauter Chrisme
(NL), Anaclette Dor y su yiunan (Canada), Dr. William
Dor ‘Ti Napon’ y yiunan (Haïti), Wislaine Dor y su
yiunan (NY), Naomi Dor y su yiunan (Canada), Nedjine
Dor (Canada), Frederica Horeb ‘Nikki’ (Aruba), Saray
Samira Horeb ‘Chichi’ (Aruba), Albertina Horeb (Aruba)

Primo/a;
James St fleurant y su yiunan (Haïti), Stevenson Pierre
(Haïti), Paula dumay y su yiunan (Haïti), Harry Horeb
(Haïti), Jenny Horeb y su yiunan (Haïti), Suze magloire y
su yiunan (Haïti), Jacqueline Horeb y su yiunan (Haïti),
Betty Horeb y su yiunan (US), Marie Lydie Horeb y su
yiunan (US), Sherley Horeb y su yiunan (US), Georges
Horeb y su yiunan (US),
Serge Horeb y su yiunan (US), Horeb Cathy y su yiu,
Horeb Stephan na miami

Asamble de la Grace dirigi pa Pastor Diefort Dorimond

Amiga/o:
Joseph y Amilia Etienne, Famia Julca, Famia Helas y Seve,
Famia Beaudaine, Famia Delice, Famia Horma Bailey,
Orelia Alexis, Joanes Alectus, Anette Blaize, Micheline
‘Anite’, Jacqueline, Meanne, Françoise, Bernadette, Ifosia,
Kerline, Lorvilus Kerline,
Anicile, Famia Leonidas Yolene, Famia Bien Aime
Christela, Famia Rinvil Sofonie, Fani, Leanne, Emetane

Botica del Pueblo y Drifwood Restaurant

Oportunidad pa condolencia: diabierna 26 di
September 2025 na Aurora Funeral Home di 7:00 pa 9:00
pm

Ta invita pa e acto di entiero cu lo tuma lugar
diabierna 27 di September 2025 di 2:00 pa 4:00 pm na
Aurora Funeral Home di 2:00 pa 4:00 di atardi.

Aurora

Royal Pray

Funeral Home & Crematory

*Bou di halanan di Dios mi ta
sigur
Abo cu ta biba bou di amparo
di Altisimo, ta hospeda den
sombra di Dios omnipotente,
bisa Señor: “Mi refugio, mi
forti, mi Dios, den kende mi ta
pone mi confisansa!”
Salmo: 91*



Robert Hubert Jeandor
Condecora como Lid in de Orde van Oranje-Nassau

Mayornan: †Francisco y †Cecilia Jeandor-Bermudez

Na number di su:
Casa: Viviana Jeandor-Geerman

Yiunan: Anoushca y Alex Odor- Jeandor
Robert R. Jeandor
Nietonan: Alexander Odor
Anuar Odor y Karessa Arendsz

Rumannan: †Francisco y Edna Jeandor- Kock
Persey Jeandor y Reny Trinks
Robertina Jeandor
†Antonio y †Mirjam Jeandor-Bragonie
†Sofia y Piet Huijs-Jeandor
Karel y Manyi Jeandor-Li
Marlene y †Timo Henttu-Jeandor
†John Jeandor
Jeanette Greene-Jeandor
Michel Jeandor y Miriam Ruiz
†Ismael y Carmen Tromp- Rodriquez

Subrino y Subrinanan

Swa y cuñanan:
Rita Geerman y famia
Magriet Geerman y famia
†Ronald y Bianca Geerman-Luydens y famia

Stima manera yiunan: Giovanni y Giandre Boekhoudt

Ihanan, primo y primanan, Integrantenan di Solo Banda
Show, Amigo(a)nan y coleganan musico demasiado pa
mensiona

Su amigo(a)nan di Kapel di Alto Vista, Famia di Los Laga
Bai, Rode Kruis, Kiwanis Palm Beach, Black Tie, Quota,
Poets TV, coleganan di Galactica FM y demas emisoranan,
coleganan musico y fanaticonan na Aruba, Republica
Dominicana, Puerto Rico, Colombia, Korsow y Boneiro y na
Hulanda.

Su bon bisifianan y e Family Vacation Group

Famianan: Jeandor, Geerman, Bermudez, Odor, Scharbaay,
Kock, Kelly, Trinks, Lee, Huijs, Hegingen, Rivadeneira, Li,
Henttu, John, Greene, Ruiz, Tromp, Rodriguez, Hernandez,
Hodge, Eckmeyer, Franken, Werleman, Boekhoudt, Luydens,
Maduro, Giel, Hill, Dake, Toppenberg, Mateo, Bergrok,
Cardenas, Barnes, Gomez, Van der Blik, Ridderstap, Hoek,
Evertz, Wernet, Boekhoudt, Dirksz, De Cuba, Rasmijn,
Wever, Webb, Tromp,, Kwidama, Ramada, Scoop, Obispo,
Bernadina.

Ta invita tur amigo, bisifianan, fanaticonan y conosirnan pa
asisti na e **acto di celebracion** cual ta tuma lugar diabierna
dia **26 di September 2025** saliendo for di Entertainment
Center pa Cas di Cultura.
Di 6pm pa 9pm tin e **oportunidad pa condolencia y
despedida** di nos defunto.

Dia **27 di september 2025** e restonan mortal lo ta reposa den
misa Inmaculada Concepcion na Santa Cruz for di 1or pa 4or
pm. Cremacion lo tuma lugar den seno familiar.
Enbes di flor of krans lo ta bay tin un box disponibel den
misa como donacion pa Wilhelmina Kankerfonds y Alto Visa

Desculpa nos si den nos tristeza nos por a lubida di menciona
un of otro famia of organisacion.

Ta desea pa tur colornan alegre.

Nos ta lamenta cu depues di entiero nos no por ricibi bishita
di condolencia na cas.

Departamento di Husticia ta bay purba acusa ex-director di FBI, James Comey

(AP) — Departamento di Husticia Mericano ta preparando pa pidi un gran hurado awe mes pa acusa ex-director di FBI, James Comey, pa gaña Congreso mientras fiscalnan ta acerca e deadline pa presenta cargo, segun dos persona familiar cu e situacion.

Oficialnan ta spera di entrega e caso den districto oriental di Virginia algun dia despues cu presidente Donald Trump a apela na su Procurador General pa acusa Comey y otro adversario politico, y despues di e reemplazo siman pasa di e fiscal top di e oficina cu un asistent di Cas Blanco cu a yega di fungi como un di su abogadonan personal.

Fiscalnan ta evaluando si Comey a gaña legisladornan durante su testimonio dia 30 di september 2020, relaciona cu e investigacion tocante lasonan entre Rusia y e campaña presidencial di Trump na 2016. E statuut di limitacion di cinco aña pa presenta un caso lo ta proximo diamars, pero ta spera cu Departamento di Husticia ta bay busca un acusacion formal dilanti un gran hurado prome cu esey, segun e dos fuente anonimo di AP.

E empuhe pa bay dilanti ta yega hasta mientras fiscalnan a detaya den un memo preocupacion tocante procede cu busca un acusacion, un di nan a bisa.

Abogadonan di Comey a nenga di duna comentario ayera, y a bisa cu e no a tende di ningun update for di Departamento di Husticia.

Si fiscalnan ta exitoso den obtene un acusacion, Comey lo bira e prome ex-oficial senior di gobierno pa enfrenta huicio en conexcion cu un di e molesternan principal di e presidente – e investigacion, clausura hopi tempo atras, tocante e interferencia di Rusia den eleccion, cu Trump y su sostenedornan pa hopi tempo a bisa ta un “hoax” y un “witch hunt.”

Cualquier caso criminal casi sigur lo profundisa preocupacion cu Departamento di Husticia, bao liderazgo di Procurador General Pam Bondi, leal

na Trump, ta ser usa como un arma mientras ta busca investigacion di figuranan publico cu e presidente ta considera adversario.

Comey, kende a haya retiro como director di FBI lunanan den e prome administracion di Trump, pa largo ta un obhetivo top di sostenedornan di Trump buscando represalia. A menciona Comey su nomber den un post riba rednan social diasabra nochi, den cual Trump a keda directamente na Bondi cu ainda e no a presenta cargo contra dje.

Den lunanan recien, Cas Blanco a move pa eherce control di manera sin precedente riba un Departamento di Husticia cu historicamente a disfruta di independencia den toma di decision hudicial. E oficina investigando Comeya cay den disturbio siman pasa despues di renuncia di su fiscal, Erik Siebert, memey di presion di administracion di Trump pa presenta cargo contra fiscal di New York, Letitia James, den un investigacion pa fraude di hipoteca.

Trump a reemplasa Siebert cu Lindsey Halligan, un asistent di Cas Blanco cu anteriormente a representa Trump den e investigacion riba su retencion di documento clasifica na su propiedad Mar-a-Lago na Florida, pero kende no tin experiencia criminal federal, cu historicamente ta compana e trabao di dirigi e oficianan mas elite di fiscal den Departamento di Husticia.

Un gran hurado lo mester aproba cualkier acusacion, y a pesar cu esey generalmente ta facil den sistema di husticia criminal, Departamento di Husticia di Trump a encontra obstaculo den lunanan recien, particularmente den busca cargo relaciona cu intervencion di ley na Washington, DC.

No ta cla ki declaracion na Congreso e fiscalnan ta enfocando riba dje, y e forsa di cualkier caso cu fiscalnan por busca di presenta tampoco ta cla.

E maneho di gobierno pa e investigacion di Trump-Rusia ta entre e capitulonnan mas



studia di historia Mericano, cu varios revision y rapport dedica na dje, y toch fiscal no a busca un caso contra oficialnan senior di FBI.

Fiscalnan den prome Departamento di Husticia

di Trump a nenga di enhuicia Comey despues di un revision di inspector general di su maneho di memo documentando su combersacionnan cu Trump den e simannan prome cu el a haya retiro. Tampoco el

a keda acusa pa consehero special, John Durham, kende a scrudiña e trato di FBI di e investigacion Trump-Rusia y tabata conduciendo su investigacion na momento cu Comey a duna su declaracion.

The Birdie
CLUB HOUSE RESTAURANT

TIERRA DEL SOL
by BEROSTAR
GOLF COURSE

Happy hour

FRIDAYS
5PM - 7PM

50% OFF ON
DRINKS & TAPAS

586-7800 ext. 231 or 242 | opentable.com/thebirdie
tdsba1@iberostar.com | tierradelsol.com

Pa prome biaha den casi seis decada, un presidente di Siria ta papia na UN

(AP) — Cambiando pagina di decadas di distancia, presidente di Siria a duna palabra na Asamblea General di UN diaranson, marcando e prome biaha cu cualkier presidente di su pais a haci esey den casi 60 aña. Mientras e tabata papia, centenares di hende a reuni dilanti un screen gigante na ciudad y pueblo Sirio pa ta testigo di e discurso mientras nan a hisa bandera di e pais.

Ahmad al-Sharaa a bisa cu Siria ta bolbe na e comunidad internacional despues di seis decada di dictadura cu a mata 1 miyon hende y a tortura centenares di miles. “Siria ta reclamando su luga mereci entre e nacionnan di mundo,” el a bisa na e reunion anual di lider mundial.

Al-Sharaa a bira e prome



cabesante di estado Sirio cu a papia na Nacionnan Uni desde cu Nouredine Attasi a duna un discurso na 1967 poco despues di e guerra Arabe-Israeli, durante cual Damascus a perde control di e Golan Heights cu Israel a

anexa mas despues na 1981.

Desde cu famia Assad a yega na poder na Siria na 1970 den un golpi sin sanger cu a baha Attasi di poder, relacion cu Merca a bira friu mientras Damascus tabata un aliado di ex-Union Sovietico. Durante ultimo decadan, e tabata minister di Asunto Exterior di Siria cu a representa e pais na Asamblea General di UN.

Un aparicion despues di e caida di regimen di famia Assad E dinastia di famia Assad su gobierno autocratico y supresivo di 54 aña na Siria a cay abruptamente na december, ora cu ex-Presidente Bashar Assad a ser expulsa den un ofensiva relampago di insurgente dirigi door di al-Sharaa. E caida di Assad a marca un cambio mayor den e guerra civil di 14 aña.

Al-Sharaa a critica Israel den su discurso bisando cu e no a para su menasa na su pais desde e caida di Assad agregando cu su politicanan “ta contradeci cu e apoyo di comunidad internacional na

Siria y su pueblo” den loka ta pone e region den peliger y por causa conflicto cu niun hende lo por caba.

Negociacion tabata na caminda pa un acuerdo di seguridad cu al-Sharaa a bisa cu e ta spera cu lo trece un retiro di forsa Israeli y bolbe na un acuerdo di retiro di 1974. Aunke al-Sharaa a bisa siman pasa cu un acuerdo por ser alcanza den cuestion di dia, premier di Israel, Benjamin Netanyahu den comentario diadomingo a minimisa e posibilidad di un avance.

Mas laat diaranson, e oficina di Netanyahu a bisa den un declaracion cu negociacion ta andando cu Siria, agregando cu nan conclusion “ta involucra garantisa e interesnan di Israel, cu ta inclui, entre otro cos, stop actividad di militar na sur-occidente di Siria y mantene e seguridad di e Druze na Siria.”


Presidente di Merca, Donald Trump a reuni cu al-Sharaa na Saudi Arabia na mei y a anuncia cu el lo cancela decada di sancion imponi riba Siria bao di gobierno di e Assadnan. El a sigui door di ordena cu un parti grandi di sancion ser cancela of dispensa.

Papiando cu reportero pafu di edificio di UN despues di duna su discurso, al-Sharaa a bisa cu e ta spera cu e sancionnan eventualmente lo ser cancela, agregando cu e mayoria di miembro di Congreso ta na favor di cancela e sancion bao di Ley di Proteccion Civil di Caesar Siria.

“Siria no ta desea e dolor cu el a pasa na ningun hende. Nos ta entre e hendenan cu mas ta sinti e sufrimento di guerra y destruccion,” al-Sharaa a bisa. “Pa e motibo ey nos ta apoya e pueblo di Gaza.”

Aruba Bank ta introduci pago di polisa di seguro via Sentoo

Aruba Bank ta anuncia cu desde awe, cliente por paga nan factura di seguro di Aruba Bank uzando Sentoo, un forma nobo, sigur y sin complicacion pa paga directo for di nan cuenta bancario.



Cu Sentoo, e proceso ta hopi facil:

- Cliente ta klik riba e link den nan email of factura uzando nan celular.
- Nan ta escoge nan banco (Aruba Bank).
- Nan ta djis aproba e transaccion, tur detaye ta yena caba.
- E servicio aki ta alinea cu Aruba Bank su compromiso pa sigui ofrece solucionnan innovativo, sigur y conveniente pa tur cliente.

Pa mas informacion, por klik riba e siguiente link:

<https://www.arubabank.com/en/Personal/Services/fast-and-easy-banking/Sentoo-For-Consumers>

AMOR BO NO POR CUMPLA
pero bo por adopta uno

BONDIA
ARUBA